

兩
浙
輶
軒
錄

兩浙輶軒錄卷二十一

杭世駿 厲鶚 沈廷芳 趙信 沈炳震

沈炳謙 沈榮光 姚汝金 姚世鉦 汪沆

周京 吳城 朱稻孫 李宗潮 張庚

許燦 戴永植 戴職 汪浚

兩浙翰軒錄卷二十一

督學使者阮元

杭世駿

字大京號董蒲仁和人雍正甲辰舉人乾

杭州府志文苑傳世駿少穎異才博遊宏覽于學無所

不貫所藏書皆其氣華其節亮其辭宏肆而與博一時

纂錄莫與抗者中雍正甲辰鄉試乾隆初舉博學宏詞

科授翰林散直之暇復肆志併力于文章落職歸杜門

奉母暇則佔里中耆舊襟袵及方外之侶結南屏詩社

著述甚富其誌銘畧曰先生由編修改御史條陳四事下吏

議導政還然其言數十年來天下皆撫漢人參半於四條中已

行其一其論有大於此者曰天下藩庫宜有餘款存開

以濟不虞先生已削稿不以示人余所聞鄉前輩之言

如此問居養母自號秦亭老民性通脫不事修飾著騷

勅編

錄內府書儲備官後主講廣東之粵秀揚州之安定兩

齊疏証詞科掌錄密城詩話桂堂詩話各若干卷道古

堂諸文

述披詩話杭董浦編修世駿首唱方鏡詩二十四首傳

誦筆下和者自王侯以建公卿士大夫方外閭秀無不

有作幾及

數千家

隨園詩話董浦先生詩以嶺南集為生平極盛之作題

陳元孝遺像四律悲涼惟北思非樊謝寶意所能

前微說之語往往被入先說余冬月山行見梅子離離

誤認梅花將欲賦詩偶讀杭董浦詩云千林鳥相都離

穀便作梅花一路看

是此景被人說過矣

榕城詩話林鳳翥先生緒光是余癸卯本房予至閩城

拜其門鄭秀才種玉吾師愛塔顯余云鍾難傳不世才十

在七年惟悴話雪湖也予報章云衣鉢難傳不世才十

年同籍半蒿萊絳帷獨有彭宣在曾到師門一會來

朱文藻曰董浦先生現嚴毅而性樂易好獎借後進文

藻生已晚幸值先生歸里之年得頻預觴咏之會歸道

山後梁山舟侍講裏其生平已刻未刻之稿彙為一編

延雅堂詩話授伯于家塾選定為二十六卷校刊行世

不加新序舊有古仍之而已與文集並

行其嗣君義寅重加校定又別刻之

樞門詩話杭大宗自謂吾經學不如吳東壘史學不如

金湖山詩學不如馬駸駸齊次風侍郎特愛杭作淹博

舊集蘇詩及大宗詩句爲一卷題籤曰蘇杭集句餘姚
黃璋論詩絕句云安世胸中三篋書膽詞捷給決瀾渠
當年緒論會泰座經史詩皆說不如藥師一誤滿千年
差比蘇仙佛兼小卷短書齊禮侍蘇杭集句手題籤

過故侍郎嚴公皋園

別業傳耆舊登臨一再經野樵明古岸淺水漱迴汀蟲齧荒
唐樹苔侵藤腫亭居人已他姓欲問失前型

有客當吟癖相羊帶竹西水紋歸棹緩雲脚到城低深校爭
鋤菜輕舸喚帶泥春陰將草色映作碧玻璃

嘲張增病足

張子寂寞居一足抱微癰初時走矍矍候爾失奔駭竚思隱
憂憑行取木突代不免短狐嘲忽惹穀犬吠瘍醫診微茫兩
眼施醫黥搜充嶺南方副殺去疵纔始灼艾火攻旋用符水
溉謂當慎朶頤踏毒慮內潰跂腳但高眠藥力可熏撫不然

隨厥跼恐與眇者配俄而介然來向我訴殢錄筮咸之二爻
易理汝所昧與脫輻則傾牴觸藩不遑歸困于株木棟覆其
鼎鼎汝何行次且致令腓有悔前哲不吾欺一一爲汝誨下
堂樂正憂易簪曾子嘸疾行無善步躁進轉多闕春冰與虎
尾此義罕津逮錯趾非其履一蹶不可再躑躅翰墨場進退
韋弦佩雖爾短三寸取用或有在古稱五經笥又號掉書袋
與我一入半共作後車載

寓齋老杏一株花絕繁盛用漫堂竹垞兩先生集中柳

巷杏花歌韻

我本看花使小園日夕修花經客歲走京國譬箭揚風翎倦
眼未洗塵漠漠短髮忽點愁星星旅舍富林壑盡靜如郊垌
一株老杏森刺目醉態似被風吹醒春光九十將過半輕烟

不散酥雨零挑菜淪嫩甲啜茗揀苦丁丁香百結未放白竹
籬幾个初抽青畫牆低虛亞字缺脉脉露出千娉婷朱唇粉
靨費晤對老幹色作青銅餅托根羨爾已得所位翟況有香
茆亭東皇作意做寒食淺苞綴露搖清冷宋朱二老盛詞賦
冶遊極口誇支硎江南二月春雨歇深巷此日聲堪聽令我
鄉思轉撥觸小樓一角勞吟坼生香活色映餘媚姹株濃朶
紛殊形酒旗飄颺泥遊屐幾家村店臨回汀柳腰綽約麴塵
動繁英飛入紅窗牖此景可與此花語對花怡悵盃還停須
臾踈月淡檐罍玉顏四照烟冥冥

萬柳堂

清梵三時響粥魚亂花空發老僧居危欄曲處青山露一枰
斜陽曬佛書

溪風掠過打魚磯
匝地春陰綠正肥
頭白僧伽破禪寂
柳花吹照水田衣

九日集隱几山樓

圍藍削翠望周遭
爽入晴空散鬱陶
獨木野橋隨磴曲
尖頭小屋劈巖高
迎秋花好長扶屐
禁體詩成不數雋
勝日風光儘排遣
但須飲酒讀離騷

仙霞嶺

衡曉征夫已首塗
兜輿一路野花扶
千溪赴壑斜通越
疊嶂奔雲倒控吳
勝境舊傳仙到此
上頭曾有雁來無
香瓷茗椀前因在
客興應知尚未孤

峯峩懸崖一綫通
杉篁踈處漏曠曠
路從沙觜烟汀上
人住溪光黛色中
百貨鹽稀商舶近
重關鎖鑰霸圖雄
試來絕頂

回頭望天首還能辨乙鴻

碧湖雙槳圖爲厲徵君鶚賦

葦路迢迢浪影微
澹雲流映碧因依
雙棲翡翠生來慣
才到湖邊作對飛

薛家鏡子照梳鬟
黛枕何曾盡日閒
夫婿愛諺新樣好
盡眉只學小陂山

青蘆結響正西風
一舸浮來是闌紅
手把鳳簫羅袖薄
蘋花吹動月明中

三月十二日招諸公集丁香花下醉後放歌

朝來不辨花有無
紫烟但見春模糊
千愁亂結丁子小
四瓣獨透芳心蘊
細看不信眼福飽
一艸遂令肺病蘇
花神嫌我太岑寂
同隊一一煩招呼
清詩百韻爵無算
有則涓我無當

酤吾儕志不在歡宴要與大造回春敷凡葩憔悴少生理如
士失意泣路隅竟當盡攜入此座立命斗酒澆根株傷風態
雨不許作明霞朝露長相濡幕天席地紫絲障行炙役使千
名姝詩翁各試買春手墨汁往往飛金壺卷荷但聞清響入
祇有高唱無笙竽豪思狂掣縛不得仰首大笑驚清都羲和
貪看下界樂緩轡亦爲停須史瓊姿兩兩迴笑厖似與作者
相鳴于少焉皎月自西出照我瑤席無偏枯花光紛與月光
亂倒寫枝格橫衣襦此景只合讓詩說縱有畫手知難圖句
成擬就紫府宿好夢定挈花魂俱

趙主事

嚴晨

遠惠龍井茶以詩代簡

四年不見西湖面只當四年別故人說書吻燥無處告默默
龍咽銅街塵石交有意嘲水厄茅旗兩串封題親紙香拂拂

包裹解觸手恍觀龍泓春冷官雅與此味稱清話暢好畱嘉
賓天壇汲泉委巷近蹇驢穩馱何辭頻呼僮匪理折脚鼎點
湯乍似魚吹脣寒廳掃葉助活火縛把但少松毛新吟成徒
倚轉自笑得隴望蜀須防噴

黃芍藥寄和江春

誰教沒骨寫靈根姹紫嫣紅豈足論佛借妙香開笑面天畱
正色餞春魂遊蜂採處尋難見蜜酒澆來漬有痕華省祇今
多好句翻階剛值月初昏

贈金觀察

志章

江上銀濤滾滾催草堂剛對曲江開橫襟坐攬千峰秀放筆
平添萬壑哀海國蒼茫徵故蹟霸圖銷歇出驚才城南不少
豪韓愈眼見低頭下拜來

謂朱棣范肇新
丁敬諸翁老

兩鎮雄藩控制長防秋千騎繞邊牆龍門山遠開天險馬市
臺高壓大荒霜戟曉連沙草白蜺旌晴捲塞塵黃風生坐嘯
尋常事難得威棱懾朔方

天遣溪山著此翁漁蓑樵笠幾春風長身野鶴當階竝捷足
飛猱上嶺同入社正思尋慧遠移書底用絕山公紛紛宦業
看兒輩往事雞蟲一笑空

卅載論交洽紀羣薈香心奉豈徒云狂來我就批鱗集宋張景文
有批鱗集五十篇歸去公傳誓墓文海內清流餘幾輩尊前明月止
三分相逢不用歌難老細嚼黃花話舊聞

秋日獨上五層樓望海

千級層梯宛轉過浮雲樓棟下承阿樓船瀨水思楊僕黃屋
纓荒笑尉陀蜃氣三春侵畫堞騶夷百戰息瑯戈茫茫漲海

東南去極目天涯涕淚多

哭厲徵君鶚

驚才一代愧齊名力遜培風運海鯤
小別遂成千古恨百身難贖九秋魂
清詞墮響文堂寂瘦影飄空野寺昏
細想平生遊往處終同阿買哭楓根

心傷鬼錄手頻掄可奈天先喪此人
東郭冷過挑菜節南湖淒斷採桑春
等身著作憑公論住世風花付夙因
聞說神明真湛定彌留猶自戀衰親

復衣升屋叫荒祠掌夢無憑祇一悲
服散幾年踈酒伴分香先日放歌姬
契丹已定傳疑史天水空鐫本事詩
泉路定應尋月上斷風零雨說相思

君著遼史拾遺明與余金史補闕刊行宋詩紀事百卷已刊月上其

亡姬也

年年踪跡滯揚州兩點金焦健筆收翠壁分題香界暗玉山
高會草堂秋韓江烟月魂應戀石友情懷老更稠謂馬日路他
日來尋舊吟懣不堪腸斷竹西遊

春日懷吟社諸公却寄

紫薇仙吏水曹廳出守翩翩宦轍停綺歲買薑過錦里全家
瞰荔到楓亭細吟老杜賦剩句力辨虐秦焚後經酈菊甘馨
滄酒冽歲寒珍重制頽齡朱太守稚少令江油有此馭問稱
等集吳通守延華著周儀二禮疑
義

春雨春烟滿竹林論量勝地費沈吟風亭斷句藤花覆尺樹
微歌蠟淚深宦海獨中將父志天涯誰識托孤心可憐江上
經年別一卷初開思不任梁編修徵心以終養家居吳上舍
城友誼敦厚余嘗謂可以正六尺
也

羨君安穩住江鄉
鱸膾專絲得飽嘗
山館竹風侵蕙幌
水房

荷氣上糟牀
寒衾老借仙姝煖
秋卷閒從驥子商
并訊冬心

老居士得錢曾否理歸航

丁處士敬龍泓山館江廣文臺城北水房皆吟賞幽境冬心居士金

布衣農自號也

客揚州數載矣

能來三徑祿羊求
卅載萍蓬各浪浮
善病衰親艱侍養
長飢

小婦迴含愁
榕城兵制縱橫論
梓里遺文次第收
符沈張父

零落盡不堪
盤馬過西州

汪徵君沈入新將軍幕府爲撫福州入旗志王秀才曾祥搜緝武林

遺文符之恒沈甲南秀才張燭

受問堅兩孝廉皆松里故人也
爲政風流又幾年
陳留書記更翩翩
租船記送胡奴米
買宅

曾除邱伯錢
蘭閣雪深翻墨海
印牀春霽繞茶烟
月翁辛老

紛遺稿次第煩君
裘木鐫

舒明府鑒與施上舍安謀刻顧行之珽明徵君京遺詩周詩已竟

工

兩浙輶軒錄卷二十一

七

雲海飄飄歲月重清寒生計倦遊踪秋衾已失三姝媚社酒

難洽兩耳聾金粟香濃初罷講黃皮塔廢獨聞鐘晴坡記得

同登陟竹杖拋來已化龍施秀才謙有三姬已亡其二傳太史王肅近苦重聽恒公住天竺法

喜寺讓公住南屏萬峯山房皆社中方外交也

甚矣吾衰歲更加觀河面皺鑠春華團團踪跡巡檐鵲冉冉

流光赴壑蛇金微補官心尙嬾戴客遊楚計仍差天涯朋舊

同蕭瑟一度題詩一嘆嗟金觀察志章所居被火余力勸其赴關戴大使延燒余薦遊湖北學

使幕經歲仍歸

狎鷺盟鷗物外身只將孤冷學先民生衣野寺秋聽雨短櫓

重湖夜餞春別去緇塵驚老大年來烟骨各嶙峋如何香火

緣紛結不及東林社裏人朱霞林元詩筆清峭不入吟社

明嘉靖中端州守曾直建八節祠于北門外以祀唐張

東之李紳宋劉摯鄒浩胡寅胡銓留正張世傑而魏
元忠以亢有貶高要尉獨不得與余以春日肅拜祠

下心獨異之作歌簡吳太守

繼年劉高要為鴻

君不見魏元忠布衣上書論兵事金毀吐氣如長虹鐵冠
我肅綱紀豪奴杖殺都亭中除惡志在清君側白簡豈顧張
昌宗羣邪側目謠詠起卑官謫墮炎荒鼓洞夷畏威噤不發
至今崖厂流清風吁嗟高要一隅地貶宦往往王侯充韋承
慶輩不足錄如公豈合隨沙蟲我來端水恣臨眺步履晚出
高城東俯俛祠屋壓道左大樹突兀寒烟空入門肅拜認栗
主八賢名姓昭愚蒙唐景龍逮宋迄命大節歷歷摩蒼穹
茫官蹟證人代屈指獨少齊貞公

元忠封齊
國公謚貞

去畱豈復有深

意討覈那不謀羣衷笙鏞暗啞芹藻闕閱二百載無人攻自

來守土責匪細社稷尸祝宜甄綜漢陽王傳志失載高要志不載張
東與公乏祀將毋同旅窗作歌寄牧尹會看闕憾能彌縫豐
祠從此標九節亘千百世垂無窮

黃孝廉同遺董阿寶送鬼子儻

荷蘭瓊穩瞋睡塵推窗仰臥青天高傳聲呼淘監門轄小史
粉面如櫻桃愛好凋裁幼布袍花綬綴裏短褊袍填金漆盤
紅綿綃珠江十里不用篙玉腕抱送毋乃勞閒絨一笑驚老
饕甜香潏潏風騷騷堵牆傳看見子儻形製譎詭方法韜嚴
龜跼踣劉休逃鬼奴烏帽粘髭毛尺八腿縛行勝牢左牽四
尺帖尾葵畫幡招搖卷秀眈縱金打鼓雁翅壕井華浙米洩
且淘重羅細瀟聲滢滢哥巴伊呱西洋國淨不燥糖霜屑川
金七撓孩兒茶皮慢火熬霍霍拔切大食刀波斯碧盃雙臂

操孝廉虛館牆上蒿背癢時遣鳥爪搔飽看羣鬼騰獫狽啖
螻蛄襲婆蘭股番書皮紙金線囊界畫城郭如牛筆反覆讀
之牙屢聲呱離不解心煩切邀公往觀毋訾訾役使神馬騰
輪尻雲中攫背從虛放手卷龜殼酌杜糟遠興欲釣滄海鰲
神仙隱現潮雞號天瓢挹取金碧膏爲子宛轉壯酒槽容成
務光應汝曹垂珠雙耳生白毫奚童翩翩舞翠翹爛醉一吐
胸中豪而我俯仰類桴桴又類絲絳風中縲東西覓食無所
遭日落飽聽翠釜輟食蓼之蟲食李蟠空腸與我同嗷嗷天
涯遠藉菜把叨青衫淚濕番葡萄榭枒意蕊不可蕩情濶遮
蕩重洋濤竹膜滑笏語噴嘈突梯滑稽效朔泉運斤誰削聖
鼻癢閃閃綠燄寒更挑令君讀之解鬱陶

順治丁酉十一月鄭成功攻澄海之鷗汀堡鄰邨入堡

避賊者七萬餘堡破同日受屠有僧瘞之於隴子之

原題其碣曰同歸域門人章純儒丁卯冬曾經其地

感賦一律予爲和之

聞道鷗汀戰火紅萬人同日殉滅洪遊魂假息

王風外害氣禁消佛力中日落飢鶯翻白骨雨深冤鬼哭青

楓書生也植如竿髮殺賊思彎兩石弓

次韻查三司馬龍溪興復黃文節公廢祠詩

高天有意插翠屏兩峯寫出宜州青玉龍掉尾繞西郭至今
溪水流清冷瓣香風奉黃山谷溪上傳聞結祠屋祠屋荒涼
五百年令我瞠乎蒿遠目此邦攝守心相知垂腰黃綬官不
枝秋風入廟拜粟主落日下馬刻苔俾愛其人者烏猶愛况
復黃公足千載雲懷碧幾雖漏穿靈爽於今定長在潭潭畫

壁蝸篆侵庭前野蒿長一尋蹲檐怪鴟嘯山鬼冥冥那得開
吟襟挑鐙細讀東都史坡公既往誰其似直節難磨元祐碑
詩才妙得飯顆肯黨牛怨李處一朝正士暗伏羣山霧帝念
荒服少光怪特借魁宿輝璿杓單車刺促入蠻府蠅蛄秋廢
獨吟苦從遊學子進如牆似爲南樓補環堵墨池演漾不可
方流公遺澤如溪長臨溪葺宇得吾友州民世祀母徬徨神
乎歸來飄以忽老魚醉飽擲波沒弦詩試學摩圍句風播清
音上林樾

寄和任太守

應烈

移居快閣

一紙書飛嶺外鴻頓教羈旅感萍蓬沈思瘴海途真迴臥看
稽峯翠若空負郭少田嗟作客倚間有母敢稱翁輸君萬壑
千巖裏日日看花驟玉驄

似此歸田有幾乎
量晴較雨計堪娛
詩篇瘦似黃文節
裴橐多於陸大夫
三殿校書流往迹
兩河領郡頌來蘇
卽看甲子從頭換
且喜新霜未點鬚

飛空榆莢滿階錢
好與山靈買靜便
綠酒黃花開里社
烏篷紅雨盪春船
坐來亭角虛生籟
望斷林端晚霽烟
喚取青猿擔竹杖
西阡行藥復東阡

郊扉晚計美行窩
快閣遺踪剩幾何
環佩水清穿石戶
響簷簷
峰好入樓多
新開沙徑調雛鶴
故種茴香穩睡鷗
待到月明吹笛和
秋風處處起菱歌

南屏秋曉

秋光多說在南屏
爲訪殘荷懼乍停
閒鷺請盟沙際竹
孤僧閒話水邊亭
涼風欲起雲先白
斜照將陰石更青
珍重諸公

吟筆健莫將常語潤山靈

讓公有燒笋之約同過山舫期恒公不至

天教一雨洗晴空催赴南屏信短篷孤塔斜明青嶂外袂衣
涼試綠陰中齋厨燒荷綠非淺山舫題詩興偶同只有禪心
無繫著依然行脚過橋東

胡麻爲八穀之一前人無有專詠坡集中止一賦而已

輒作一首

嘉樹攜從海上槎葦方房大孕仙芽霜脂碎碾香于蜜雲子
同抄細似沙玉洞流來偏有飯白羊吟盡不留花才人豈有
無心詠讓與蘇和仲賦誇

積雨初晴江 助招集淨香園卽事

積雨連朝淨洗塵乍晴天氣健遊人輕風喚柳做做舞近日

有折翁耳餘 卷三 杭世駿

下
金
三

均作

1999

有相摩蘿衣蕙帶寫寒色踏筵不用擎青娥一槎鯨吸一詩
侑醉鄉律令除煩苛詩成酒盡天亦曉竹根同臥遑知他我
來邗水覓飲地戶小不勝雙紅螺清香透體味辛烈此槎到
口蠲沈痼請君細篆益壽延壽字仰助醲化迴春和梅花滿
山不歸去因君酒釀成蹉跎

南漢金塗鐵塔歌

香剎崢泓花雨歇秋繁匝地涼珠結華幢七級闕莊嚴湧立
東西兩突兀棱尖尊尊刺天閭蕉葉盤盤卷雌蜺是誰畱此
鎮山門儼似巍巍雙闕揭我來開梵訶子林衣上濃陰清可
損修廊走遍寶坊開振眼香雲驚一瞥青苔繡蝕九蓮花勁
骨橫撐孤竹節層層烟蓋透玲瓏獵獵風輪轉替振細尋銘
字瘦蛟蟠淨剔霜花釵股折僞號公稱大寶年傳家不改驕

潘轍矯首江天三歎息往事茫茫更稱說昌華苑裏月如霜
歌舞岡頭花似血髡徒噓燄竊國鈞熏涿瞞天汚朝列塗金
定徵三品貢鑄錯空糜六州鐵君不見天險頻爲荒宴移地
脈潛教媚川洩又不見洗祠枉殺邵廷琄賀江晚起潘崇徹
雙女山前戰艦空流出降帆水鳴咽江南眼見死牽機西蜀
同時亦灰滅亡王獨爾保天年佛力居然佑顛蹶我思縛帚
掃遊塵梯恍難通徑路絕我思濡紙拓輕煤只恐諸天嗔怪
毒龍掣尋僧弔古起羈愁漸漸西烏澹將沒摩挲千過飽興
亡歸到虛堂轉騷屑

鴈

鴈

字太鴻號樊榭錢塘人康熙庚子舉人乾

杭州府志文苑傳第少孤貧餓居杭城東園徹屋數椽
讀書不輟聲傳一時舉鴻博最富延至其家遺文秘牒無
俗客遊揚州有馬氏藏書最富延至其家遺文秘牒無
所不窺故其發爲詩文削膚存液辭必已出以清和爲

聲譽以恬淡為神求考據故實之作搜取抉隱仍尚正
論于敘事中讀者咸敏手翫服數十年大江南北所至
多爭設壇壝奉為盟主尤工
長短句入南宋諸家之勝
詞科掌錄錢塘朋鶚太鴻庚子孝廉為詩精深華妙截
斷眾流鄭前輩湯少宰西崖先生最所激賞自新城長
水盛行時海內操奇觚者莫不乞靈於兩家太鴻獨矯
之以孤澹用意既超敵材尤博吾鄉兩詩於宋元之後
未之或過也性耽閒靜愛樂山水一再計偕遂絕仕進
以浙江總督上蔡程公薦來都試題誤寫論在詩前遂
罷歸生平詩逾萬首勇於刪擇近哀刻其詩曰樊榭山
房集凡八卷樂府為今海內第一他書有遼史補東城
雜記湖船錄仿計敏夫例為宋詩紀事百卷搜采極富
是科徵士中吾石友三人皆據天下之最太鴻比紹衣
威之古文紹衣之考證穿穴求之近代罕有倫比紹衣
丙辰先成進士改庶常例不當武後以散館出外雅滅
以疾太鴻以違式皆不
得在詞館豈非命哉
蓮坡詩話偶徵君以詩名海內者三十年著有樊榭山
房集十卷清微孤峭於新城長水外自掛一幟承學之
士奉為圭臬今年落燈日以手書詩箋見貽內有紅橋
春遊曲風調直偏元初其詞曰客愁當春亂雨絲在
紅橋新作餘寒玉簫吹過曲閣于東陵飛下三春鳥兒
跋扈作餘寒玉簫吹過曲閣于東陵飛下三春鳥兒

破顏銅窩小繁華管眼徒紛紜羊牛踏穿阿膠墳隔江

山映殘梅晚招之不來殊偃蹇主人勸客爲樂方傳郎

扣舷發老狂高子哦詩妙五字遊魚出聽燈

在水風花上已連清明有約更賦麗人行

國朝詩別裁樊榭學問淹治尤熟精兩宋典實人無敢難

者而詩品清高五言在劉有虛常建之間今浙西談藝

家專以何陋持摛爲樊榭之黃矣

謝流淚失樊榭之黃矣

尊聞錄太鴻出居道古翛然清遠詩文之外銳意於詞

嘗病倚聲家冶蕩者失之靡豪健者失之肆因約情儼

體深秀縣選興至思集輒自比之係氏一弦柳家雙

鐸要以自寫得抱非求悅眾耳也有秋林琴雅四卷

雲霞齋詩話屬徵君肆力于詩鏤心役腎句離字琢吾

鄉百年詩人申始難其匹性雅好遊所至搜剔名勝攬

葛攀藤徘徊吟賞必盡興而後已集中西溪諸什直抒

得臆可當山經一卷讀也其五言如蠹隱夜月月在眾

峯頂泉流亂葉中江漲橋簾捲橋南樹花飛水上樓晚

步水光知月出花落見風行月夜舟山北關野橋理月

面斷岸見烟生秋夜雨中微雨宜幽鳥初涼健酒入理

安寺叢翠多吟光竹禽無驚啼看梅晴雪一溪影白雲

千嶂香七言如城北看菜花北郭不來遊女賞東風多

蜀野人收元旦壽親無量須花依佛貧我何私莫問天

日戲成細字難掩上作景好花飽看已過春閑居障燈

明處先等樹山南來時自打扉南山岸痕倒樹生所火

塔影西人戀夕陽南湖草堂雨久蟬衣生壁早夜涼螢
火入簾遲泛湖香飛花片來杯面寒送東風入榜腰移
居繞牆細敷遲生符縛架親扶已臥花南湖秋望橫塘
秋水明菰葉老屋殘陽上蘼花皆佳句也所著別有南
來盡院錄東城雜志
昔干卷有鈔本行世
見亭詩話樊榭寶石山云林氣暖時濛似雨湖光空處
淡於僧此真善於領畧西湖者也其他如遊智果寺云
竹陰入寺綠無暑荷葉護門香勝花元日對雪云無人
可造真閑日有雪相候此老翁山莊即事云蔬圃鳥鳴
秋境界竹房人語佛家風南湖秋望云橫塘
秋水明菰葉老屋殘陽上蘼花皆佳句也
朱文藻曰厲鶚所撰樊榭山房集二十卷謹案
欽定四庫全書已著于錄提要稱是集因所居取唐皮日休
句題曰樊榭山房是以爲名其詩則吐屬嫺雅有修潔
自喜之致絕不染南宋江湖末派雖才力富強尙未能
與朱彝尊等抗行而恬吟密味緒有餘思視
國初西泠十子儼然遠矣

遊無門洞

陰竇絕曠景石雨垂凝龍白雲嬾不收繚繞東嶺松定僧洞
壁像誨眾驚靈蹤藤花拂又落暝聞煙際鐘

北郭

北郭夕陽外人家住水西藤花當戶落荷葉並橋齊沙碧鳥
雙下樹涼蟬獨嘶輕絺來往熟幽興坐堪攜

早秋夜坐懷蔣丈靜山

夜軒殺明燈秋蟲啼四壁人靜月須清雲疎雨猶滴懷君竹
間徑況此風中笛幽意其如何堦草自寂歷

觀吳耕民所藏唐泰山摩崖碑拓本同繪甫作

羨君少年癖好古曾臨日觀登天門穹崖彩翠忽明滅雞號
下見扶桑瞰開元天子勒銘在苔滑不憚兩手捫爲尋墨本
完好寡過客求索民胥窺梯空緣壑歷至險實惜鉅費哀驚
魂野火燒裂風雨碎連紙珍似收璣璫兼金購此得舊拓坐
客疎視息眾喧八分飛動六百字驚飄鳳泊神明存當年東

封有奉求燕公爲相聞其原誰與異議獨乾曜廟堂邪念供
頓頰惟侈海宇已殷富思以大典誇黎元金泥石礪事非古
萬乘帳殿勞雲屯天章震耀復嚴謚御墨揮灑如飛鷺未聞
虞舜昔封禪大書深刻留巖根况兼本命禮西嶽金天位號
何雄尊述聖頌德呂補闕豎碑離立蛟龍蹲岱宗事盛過太
華造制遠與乾封論須臾時世易天寶兩京頽洞風塵昏青
驪蜀道播遷日百神不效前驅奔乃知用事睹符瑞史公載
筆皆微言北里之禾部上黍秦漢故轍徒紛繁卽如此碑亦
炯鑒延秋門外哀王孫濡紙脫文一感槩排翮思作摩霄鵬
秋日同王菊存汪青渠楊開緒渡湖至壑菴由幽居洞
上看摩崖家人卦登慧日精舍訪亦菴上人際晚下
山尋明昌化伯墓不得泛舟雨還得詩四首

延緣截鏡面一湖殊陰晴西南三五峯雲氣縷縷生孤擢卽
前浦翹鷺涼不驚朱蓑林表燦綠樹崇岡纓遙聞微鐘響旁
見孤塔明南屏忽覩而蒼翠紛相迎水天寂於夜到岸菰蒲
聲

注目望山坳靜侶若孤往隱見草間泉時作修蛇想清風散
木魚佛屋藏篠簜度橋潭鏡皎入洞嵒楹敞窸窣中須穿微
徑折屨上快觀凍水碑義收風火象摩崖擅八分遺跡成俯
仰秋風松際來吹作松巢響

絕頂露扶闌懸崖度禪榻爲訪贊公來不憚芒屨踏入室愔
愔言風樹自相答四角鈴鐸鳴眾緣何飄颻俯見北峯雲在
與南峯合雨脚渡湖至驚起兩棲鴿一氣中迷濛天鏡互開
闔稍霽煙鬟靚日射黃妃塔了然清淨界幻象無不納同游

五夫人看雪期深臘

取徑下仄磴秋草自作花山風襲人衣叫噪白項鴉飽開外
戚墓厚葬崇驕奢當時議禮者恩先丁傳家吁嗟百年後變
化如蟲沙大儒椎控頤金棗出隧斜欲往弔興亡覓路迷三
叉暝色起前林喚渡牒子孥晚湖波皺鱗眾岫與陰霞歸時
想清景漏鼓念頻撾

池上

高柳初髡倚晚汀幾時來此補魚經昨宵知有稀疎雨滴破
一方青白萍

九里松至西山道中同金壽門周少穆王雪子作

不負幽尋出郭門木棉裘緩越朝噉山遮壤塔可十里樹裊
孤煙自一村高冢多風松落子空田無雪稻生孫須知歲晏

人游少正要諸公細討論

靈隱寺月夜

夜寒香界白
澗曲寺門通
月在眾峯頂
泉流亂葉中
一燈羣動
磬四天空
歸路畏逢虎
況聞巖下風

溪歸訪王旣咸

牆東君公清且賢
畱客纔我西溪船
霍山廟前看殘雪
溜水橋下添新泉
梅開香破缸面酒
日出煖射牀頭氊
春濃更當拏伴過
菜花繡遍村村田

七夕宿澗西微上人房

入寺松櫟深
幽涼蘇暑病
崖上飛雨收
林中微月映
窗燈翦復翳
經聲出蘿徑
空山落秋河
無人同眺聽

秋夜雨中集汪抱朴齋

愛君池上好，不厭夜來頻。
微雨宜幽鳥，初涼健酒人。
蕭蕭添白袷，黯黯到青蘋。
共有悲秋意，商歌激四鄰。

虎阜卽事

塔迴廊迴燕燕飛，送春人去戀斜暉。
似嫌犂确侵羅襪，却要殘紅作地衣。

題對山閣卷樓壁

僧樓恰對惠峯開，寒玉泠泠步履回。
待與山靈話疇昔，杜鵑紅處我曾來。

初秋寫懷

風雨軒窗枕手吟，乍涼曉覺滿西林。
年光又共草色變，秋思有如雲影深。
坐對畫叉添寂寂，閒尋茗盃試森森。
第三橋畔萼香滑，欲動歸橈一夕心。

題陳楞山秋林讀書圖

橋隱迴溪樹隱櫺
人間有此小林垞
西風日日翻書葉
吹得數峯如許青

山陰舟中

白塔湖邊孤櫂開
風回忽捲亂雲堆
越山絕似西施髻
朵朵翠翹浮水來

寶應舟中月夜

蘆根渺渺望無涯
雁落圓沙幾點排
明日墮煙霜著水
行人今夜宿清淮

李森勅鉢圖吳耕民索賦

般羅迦婦色最姝
噉食人子充飢餉
彼鬼亦復愛其子
寢伽雙髻玉雪膚
山雪爲衣女蘿帶
撫摩不忍離須臾
佛以慧眼

照惡趣知具佛性無差殊定力攝入水精鉢宛轉求出啼呱
呱爾時鬼噉遲餘技鳴笳連鼓相嘯呼兩甄八陣聚什伍頭
角截業雄牙須拔河紐麤挽萬石雲車風馬來張弧擲刀作
雨滿空際吐氣爲火緣都盧豈知是鉢屹不動縱有藕孔難
亾通母慈淚等大海水五體投地稱南膜琉璃喉出微妙諦
汝噉人于無時無汝子五百盛種類云何結念徒區區錫肌
王女過去是不持戒故淪兇愚能於我法修淨業還汝大寶
光明珠母喜禮足向調御本無有鉢攜其雛畫師何者善狡
獐細意渲染爲之圖人言可憎定不妄說鬼聊爾相歡娛書
生亦有宏誓願願勿瀕海生虎貙

是日開臺
灣有寇警

西湖竹枝詞

楊柳作花湖水香湖上樓高不見郎西山惱殺冷泉冷南山

愛殺長橋長

新堤桃李能白紅
畫船來往只湖中
郎怕傷春復傷別
儂怕愁水又愁風

儂住西村暮又朝
摺盡畫翫金縷條
女兒山頭新月上
照儂自靖雙眉嬌

富春

富春縣前江勢奔
危樓如畫俯山根
林林人影向沙市
葉葉風帆下海門
秋入遙空無寸翳
旱經焦土有千村
田家正墮憂時淚
安得新醅倒瓦盆

望金華山出雲俄而大雨

齋心訪名山
駕言入金華
迢迢不可到
但見翻風撼石
樹色何槎枒
盤輿徑穿城外去
一桁遙青亂鋪絮
森然三十

六洞天正在白雲離合處忽如饌餽炊乍濃又訝奔馬來何
峯其間盆涌墨翻汁俄頃變化隨飛龍不辨山巔沒山腹山
與雲旋溼淋漓冰壺洞中水簾倒卷珠琲垂散作秋霖落雲
族雲中髣髴懸霓旌神仙得者皇初平石羊叱作雨工起奮
髯抵角跪且鳴噴灑林壑天瓢傾山邪雲邪兩奇絕衣溼松
明還可熱何當聽雨鹿田寺暗瀑吹窗燈暈結但願打鐘埽
地老此山結屋青崖坐看雲生滅

同樂城耕民游艮山山在城東北高可二丈許蓋土阜
也旁列古松三四晚風肅然殘雪在地臥碑已中斷
讀之不甚了了乃元艮山土神廟碑大德己亥紹興
路儒學錄古杭沈德章記并書廟不知毀于何時作
詩紀之

皋亭雪未消數峯粲可數城陰艮其背有此山戴土牽拂無
事朋共探風物古晚寒閑漁村斜陽入蔬圃疎松時一響似
喜我輩撫徘徊去仍畱斷碑記祠宇惟存豬兒年髣髴辨某
甫斯人今安在閱世如過羽社翁一尊酒寂寞罷歌舞明年
梨花時再尋比韋杜沙河春水生看客曳柔櫓

題金繪甫江聲草堂圖

時將入都

江聲主人江上住范村西去綠江路草堂髣髴木香村竹嶼
依稀鐵爐步門前江色晴黏天屋角嵐霏盡搖樹柳絮著水
魚正肥花片入簾燕新乳主人急衰將遠游風光似此盍少
閱塵中知己苦寂寂鄒生枚叟徒沈浮爲言頻年役衣食人
生識字寧無憂有田十雙我將老息壤在彼盟諸鷗華君岳
壘戲今倪瓚下筆煙雲互凌亂歸來舊徑在眼中隔浦低橋

青不斷貧無送子雙玉瓶展畫吟詩反覆看他時相約力著
書釣石猶堪置柔翰

城東落花

富景園中萬樹斜深紅繁草淺繁沙今年病酒無人事纔得
工夫送落花

和蔣丈靜山九月八日登吳山

聞道城南載酒游清江如畫遠風稠不愁紅葉明朝雨先借
黃花一日秋老去情懷無檢束興來風物卽淹留登高難得
鮮新句搔首真慙趙倚樓

雨中同符幼魯聖幾汎舟河渚看梅暮至西溪

春山始可遊逢雨成奇矚亂水添魚梁奔雲出幽谷低篷何
所詣蕩漾轉深曲回瞻雲峯遠前與花林逐寒姿媚荒筠一

一事膏沐因依遠人境搖動淪漪綠客有解清琴雨深音斷
續眞色入孤絃風燈濕茅屋去舟尙躊躇花光看不足

宿永興寺德公山樓

昏黑山雨歇一徑松煙蒙微聞梅花氣吹落疎磬中詎惜衣
履濕宿處投支公凭樓答人語迴與雲際同少選沈靄斂俯
聽幽林風明星忽三五挂在殿角東短燭照春綠夜靜山逾
空觀河悟眾象拂石期冥鴻神清了無夢亂壑流無窮焚香
以達曙茲焉悅微弱

永興寺二雪堂曉起看綠萼梅是馮具區先生手種

幽人先鳥起林磻正寂然是時春空霽山翠爭便娟的的花
間雨澹澹花上烟烟雨爲合離花態亦變遷祭酒昔游此手
種猶生前傲兀根倚石欹倒枝映泉微馨委陳跡高格同枯

禪儒官罷亦得不廢招隱篇攀花久延佇世已無其賢

溪上巢泉上作

翫溪遂窮源東峯屢向背朝日上我衣春泉淨可愛不知泉
落處潺潺竹籬內喧聞雨壘瀉靜見一潭匯松風颭纖碧花
影著深黛名言猶有相幻照乃無悔悠然巢居心頗欲終年
對

春寒

漫說春衣浣酒紅江南三月最多風梨花雪後醺醺雪人在
重簾淺夢中

湖心亭大風快涼得絕句

西北雲多失柳陰快風特地掃煩襟不成飛雨闌干外涼殺
沙邊兩睡禽

七月六日立秋送陳授衣之廣陵

作客畏逢秋君今詎不愁五湖飛一葉七夕在孤舟殘暑過
江少涼螢逐暝流歐公堂外柳爲訊舊同游

雨夜聞雁

燈花不向雨中開擁被愁聞雁叫哀深黑雲天筭柱落昏黃
庭院雨聲來誰家關塞書難寄到處江湖羽易摧甚欲孤篷
南浦宿殘蘆滴響夢驚回

雨中集秋聲館觀唐于府君墓誌銘輒

梅雨淅淅守環堵書客無悵遠相聚比隣唐輒未成土呼童
盟手爲近取縱廣盈尺製模古厚徑三寸半蝕腐于君冢嶠
字光宇貞元朝士誰比數場有小鋪司瀉鹵奉公夕惕亦矜
許井乘缺一嗟薄祐四十字并韻所譜四十作騰先立切本唐韻終于家

冥皋某甫葬之大墓厥子五小猶懸角語悽苦

總作瑟亦唐韻

文簡

而該較繁愈剝如弦蟾翳復吐新亭山陽幾風雨近人掘自

青枝塢湖影冥濛失封樹千年見日闌幽戶阿紫元駒鬱餘

怒織烏西飛誰作主發邱中郎當貸汝我哉秦亭名可補

杭吾

無新亭山青枝塢正在秦亭山之南則秦亭古名新亭也圖經續者勢躑駐墨響手拓好

藏弄遠勝金臺尋石鼓

歲除日同王雪子吳耕民放舟湖上入南山作

路入南屏葑草荒冷雲閒鷺兩相將岸痕倒樹生新水塔影

留人戀夕陽春入九分來鼎鼎年三十二去堂堂青山似欲

償詩債著意湖邊列雁行

白樂天詩何况纔中年又過三十二

甫歸夜行趙北口同范希聲作

歸人千里指故鄉三更霜霧霑衣裳有如小兒臥車箱搖則

成夢醒已忘寒星在水森有芒仰視畢昴紛低昂遠煙蒙密
隄影長西風策策吹枯楊參差人語知異方作事五角與六
張我識此趣如瀟湘菰蒲明滅燈火光驚起棲雁飛一行胡
不飛去江湖旁

春雪密香齋擁爐同少穆耕民作

春寒春雪劇相仍小坐林巒白幾層冷淡交情宜歲晚清嚴
況味在晨興同依品字柴頭火老作梅花樹下僧門巷泥深
君莫去紙窗猶有照書燈

八月四日晚雨極涼

急雨淮上來深深暗樓堞須臾風引去秋星照涼葉孤客坐
悄然愁思紛重疊誰與話流光熟衣先在篋

蕪城小春

十月江天未隕霜阿師橋畔善和坊早梅門巷如人白殘柳
旗亭勝酒黃公案此時參閉目風光何地不迴腸莫言新雁
無才思小草傷春句一行

新市道中

擘岸風多損畫眠荻芽短短不生煙水村無避春寒處來覓
酒家門繫船

坐聖幾秋聲館作

吳水抽帆乍到來梧桐高館共遲回屋頭大葉自吟雨衣上
綠陰如染苔五柳先生雖寂寞雙楠居士不塵埃明朝知有
書船至珍重荆扉手爲開

苦熱夜坐

晴電忽穿樹好風微動萍移牀池上坐相識有流螢

同尺鳬敬身過湖登慈雲嶺觀廢石龍淨勝院崖上北
宋僧冲羽書唐右補闕梁肅心印銘下方家峪尋劉
娘子寺已廢惟鳳凰泉猶存飯於觀音洞僧舍而歸
招手湖南畔平蕪淨可親霧窺山半面水照鶴雙身野艇容
茶具長橋響釣輪慈雲三度謁也勝埽門人

荆溪道中

如畫雲嵐西復西梁溪幾折入荆溪舟師失道隔煙問山鳥
畏人穿竹啼

秋夜泊潯墅

歸心淹旅泊何處近吳宮夜宿一村雨秋聲兩岸蟲道存衣
食內人老別離中坐待嚴關啟松陵藉順風

五月十三日同敬身游智果寺

招得吟朋上釣槎北山來訪野僧家竹陰入寺綠無暑荷葉
繞門香勝花泉酌參寥寒蠶缺字尋坡老壞梁斜幽禽不會
躊躇意飛向湖天點落霞

游金山

渡頭晴色風帖然行盡寺廊如有緣江光四圍佛屋頂洞雲
幾片僧牀邊開樽畱客黑鹽豉打漿載人紅板船今夜蕪城
定生夢夢在聽潮軒裏眠

人日集施竹田蘋香齋

蜜炬紅銷漏下頻非關豪飲擬陳遵煙中春月大可愛窗外
梅花如故人一種繁華武林事百年珍重草堂身幽坊莫忘
重過約周北張南只比鄰

酒蟹

草泥纔出海邊田不共茶鐺煮碧泉
漁舍西風成昨夢醉鄉清味破中堅
香畱早蕤看燈夜餅臥黃花小雪天
可惜老饕情思淺只將一語爲君傳

夏夜同樂城功千步月南湖

披衣聞剝啄蕭散步城隈煩思臨湖盡
幽襟爲月開魚聲不知處荷氣偶然來
莫怪無看待清光送客回

廣陵城南看花作

一灣碧水疎籬護今人栽花昔人墓
今人又作墓中人惟有花開客來去

送沈丈樗崖游漢陽

長歌行色健頭白此揚舲江落小孤秀
天寒大別青囊中名畫錄槎上老人星
歸去書能寄餐松對敬亭

西溪曉起

首春溪中寒偃臥如屈鐵宵分天柱夢覺來轉清切開門殘
月在下見數峯雪雪際生白雲宵暎不可說登橋水市靜尋
徑冰泉裂田翁尙無事初陽候林缺懷新意似欣理舊抱已
結何如巖棲人蕪竹飯松屑

雨後南湖晚眺

新漲夜來平釣磯田家橋外涼浸微湖雲倒破山一角水葉
亂搖風四圍六月披緜氣候變扁舟弄笛行人歸吳興城南
我舊識小水晶宮知者稀

南湖杭人名白洋池葉紹翁四朝
聞見錄云白洋池在田家橋側號

小水晶宮

三月五日小園偶成

三月五日新雨晴愛向閒園樹底行不知春水夜來長但見

落花風外輕紫筍參差看作竹青梅磊落欲攙櫻道人坐閱韶光老嬾與塵中歲序爭

湖樓題壁

水落山寒處盈盈記踏春朱闌今已朽何況倚闌人

桑坡甫水部買得元人百家詩後有小箋黏陳氏坤維詩蓋故家才婦以貧鬻書者惜不知其里居顛末爾讀之有感次韻一首并徵好事者和焉

姓字深閨豈易知偶傳紙尾賣書詩難追寫韻仙家事應共牽蘿絕代悲彤管更添高士傳墨卿別注有情癡迴腸似共繚紉往惆悵令人展卷時

秦淮懷古四首

佳麗江山入暮秋秦淮從古擅風流殘陽半隔烏衣巷綠水

斜暈白鷺洲事去興平空拜爵天亡歸命不成侯當年大有
傷時語一曲清歌在漏舟

回首中原接戰塵但誇天塹渡無因阿誰肯墮新亭淚有客
猶尋舊院春會冠蓮臺王學士名喧桃葉顧夫人蛾眉前後
皆奇絕莫怪羣公欠致身

南都近事剛妍華北里粧成勝若耶妙妓新裙吟蛟螭君王
特敕問蝦蟆匆匆時節爭鉤黨草草兵戈散內家贏得波頭
殘柳在瘦腰無力倚風斜

女牆東畔足流連只少劉郎好句傳長板橋空餘舊月回光
寺古賸寒煙荒畦盡種瓢兒菜樂府新停燕子箋聞道樵童
閒喚酒井中淘得墜金鈿

白雲山房看梅

不知花好處直作白雲看
碧在香中度山從枝上寒
主人來亦少客子到應難
只爲題詩計東風莫易殘

開平王孫種菜歌

并序

常延齡字喬若號蒼谷開平王遇春十二世孫襲封
懷遠侯官南京錦衣衛指揮有賢行曾疏劾馬阮鼎
革後與夫人徐氏中山上公之愛女種菜於金陵湖
聖裔孫執桓乞詩

高王初定江南日采石磯頭功第一橫行十萬常將軍帶礪
河山永無失滄桑抱節有賢孫鍾阜秋青入淚痕飄零大樹
不復見顛顛故侯安足論中山同志深聞婦曲折天吳移舊
繡誰知偕隱灌園人俱爲異姓分茅後幾棲荒畦非賜田晚
菘早韭資寒泉可憐一紙鋤姦疏却喜長街賣菜錢歸來偃

仰棲衡宇猶勝貂蟬與阜伍鳳臺園裏鬼迷花雞鳴廟前狐
嘯雨漫向金陵弔夕曛百年寂寂但孤墳籬邊尙發東風菜
一任空原野火焚

爲堇浦悼亾姬

知君急淚制無因客舍驚聞玉化塵夢斷畫簾微有雨歸來
錦瑟但如人碧桃落盡空閨子白髮生多最苦春想到金臺
定情夜殘燈向壁喚眞眞

晚春感興

水外茅檐竹裏扉閒窗人靜試單衣壓枝梅子多難數帖地
楊花弱更飛白日如年娛我老綠陰似水送春歸如何尙著
酸鹽累又理雲帆別舊磯

移居四首

南湖結隱八年餘又向東城賦卜居頗愛平橋通小市也多
喬木映清渠杜陵突兀見此屋韓子辛勤始有廬笑我天慵
俱未遂不妨隨地狎耕漁

華髮蕭蕭漸滿頭可無清境著閑仙安排桑苧新茶閣位置
樵青麋釣船細雨連畦容緩步涼風動樹尾幽眠糜公祠宇
今相竝且逐鄰翁掠社錢

里有古社祀蜀漢糜公子仲

莎徑梅坪密復斜百弓堪作小園誇繞牆細數遲生筍縛架
親扶已臥花叢雜琴檣臨頓宅清貧眷屬伏川家從人畫出
村夫子舊事他時一笑譁

封轅前日斷知開月渚烟林合策勲仰屋著書聊耳耳閉門
種菜漫云云驗時巢燕方新乳迎客昏鴉欲作羣稍待芟除
荒穢了一軒風景任支分

壬申元日姪黼得雄詩以志喜兼寄龍泓歐亭

瞳眴上日到衡門喜兆蘭芽出畫盆稚子居然爲阿父老親
莞爾見曾孫壬申紀歲同吾降耘耔添丁報國恩慶托高門
知有自試啼請過大姚村

二月二十八日同江聲東壁可堂復園董浦龍泓歐亭

竹田諸君汎舟皋亭看花以舟行著色屏風裏人在

回文錦字中爲韻分得字字

芙蓉仙人好游戲石壁種花高不墜何以皋亭山下村錦障
移將在平地花中愛桃兼愛李映雪蒸霞皆有致水口如緣
武陵入門外疑尋韋曲至曩遭女奴雨難得今逢屏翳晴非
易吾儕詎免憂來價問情也復關春思未填溝壑且顛狂若
較流亡更慙愧坐中白髮生滿梳有心漫祝蒼華字癡兒黃

金高至斗無力莫回青帝轡任他墓上署征西那及花前酌
從事舊盟尙在仍往復近局招要或三四將衰正盛戀斜日
已落猶開惜東吹鴨頭波蕩句初圓燕尾船搖人盡醉清明
過後上巳來一春佳處君須記

過南華堂追悼谷林

故人不見已三年重到池亭更惘然悵望殘梅點殘雪空餘
新柳舞新烟塵凝石畔藏書庫雨損隄邊送酒船何處風流
未消歇幽禽留客語清圓

金江聲吳山志成詩以落之

窮塞馳驅返故林煙霞興在老逾深埽除問舍求田計校檢
模山範水心強至里中添故事宋強至吳山里人君居同之伍胥廟下續
新吟春來雨阻同登約手把青編子細尋

沈廷芳

字晚叔號椒園仁和人乾隆丙辰
詞授庶吉士官至山東按察使著有隱拙齋集

題商秀才紫芝剡谿秋泛圖

騷人泛剡曲爲愛名山多谿光動古壁秋色明烟蘿時有清
香來遠渚畱殘荷菰蘆雜蘋蓼奕奕揚微波中流自容與曲
折隨扁艤背游每入夢塵境浮青螺况讀吾友畫恍若重經
過雅懷將無同歲月空蹉跎溪山不負客歸計當如何

金風遞鳴涼冷洊至展懷故園愴然有作

木葉警秋情殘鴉點秋影西風剽然來策策到寒境客懷同
沈淪衆志赴蕭令旣無適俗姿居塵徒耿耿就懦成病夫蘊
鱸思小猛卽事一撫時巢南念廬井

憶梅依玉洲先生韻

銅井銅坑花海邊遠看窗篠近遮連竹籬茅舍都成夢流水

空山欲化烟孤靜獨宜寒月夜橫斜偏暎夕陽天舊時僥有登臨興溪上猶餘放鶴船

紅豆書莊歌送惠仲孺先生告歸吳縣

半農先生今鉅儒研經博物德不孤鑿坡金殿重回首鈴索有夢尋江湖先生田園薊門內五畝之宅圃十區先生手種紅豆樹結實累累花交敷良辰嘉客聯袂至一觴一咏諧康娛藝林卅載傳盛事珍重先澤同珊瑚昔年奉

命赴海隅曾提衡鑒懸冰壺文教已訖嶺海表風概直欲凌韓蘇扶胥人士謳誦作俄來

清問從上都還朝學士萬卷書神仙骨相何太癯

詔下命公城鐵瓮度之築之設萬夫官貧粥及先人廬一身去國懷銅柤海岳庵前倚吟杖

子渡口浮圓鼠磊節樸學

終顯著後車薏苡非明珠旋蒙

再名入講幄仍參法從螭坳趨翛然下直每鍵戶打頭屋底
時呖唔許我載酒問奇字却話松菊愁荒蕪挂冠神武摹貞
白秋風未起思蒹蘆殘篇仍滿殿棘車潞河放溜抽烟蒲買
山貲具門下士

謂方伯莘
喬廬前輩

楚弓得返誠良圖山莊幽寂稱歸

臥散帙照眼垂駢珠連理枝高二三丈此本豈與東禪殊烟
雲想像護嘉植爲公晚景娛桑榆婆娑棖觸到往事靜覺幻
境齊苑枯番番一老安且吉鄭公鄉共推東吳我今沾祿愧
濫竽艸堂亦有梅千株冬裘夏葛飯一盂誓將息影棲菰蘆
來看南國相思子負笈從公公許無

漢銅行鐙盤歌爲鄒泰和學士賦

銅行鐙盤漢時造五鳳二年歲乙丑篆書深刻作者誰河東

尚夫山工友

盤銘曰五鳳二年祀甘泉宮行
鐙重二斤河東畵夫山工友作

玉蟲土花多剝

蝕金銀錯鏤半含黝沉沉古綠流兩驢厥製雅純質樸厚惟
漢中興七葉孫治尚嚴明享國久神爵以還典祀繁碧雞金
馬遠致取太乙帝時繼武皇甘泉宮壇薦藿苢鏗鐘振鼓六
龍出鐙火兩行燭槐柳汾陰供厨鼎錯陳天君養鋪四足卣
斯盤想像翠葆間離合神光充左右一朝仙人泣露盤五原
無樹秋風吼千百年來流落多何因恰入先生手先生愛古
忽覩之亟拂綈几滌塵垢沃以玉泉賜錦石周彝商尊作儔
偶頭廳歸來方然藜對爾摩娑酌春酒甲帳珠簾總渺茫甘
泉之宮亦烏有盤兮盤兮爾獨壽壽感慨興亡一回首幸逢學
士永寶用珍重題詩等瓊玖夜深直恐貫月虹光怪熊熊射

覺生寺大鐘歌

吾聞飛龍岐伯作鐘始八音首列垂宮縣黃鐘衆樂所自出
景鐘更在黃鐘先今之景鐘製何代云是勝國文皇年文皇
興師號靖難殘賊骨肉誅忠賢北斗平行在垣極居然王氣
鍾幽燕大都崇墉旣屹立廟社奠簾紛未遷功成治定悔殺
戮乃託佛教隆諸天鑄茲大鐘置經廠高廣數丈周輪圓彌
陀法華旣佛號楞嚴呪列蒲牢邊學士沈度齋戒筆孔正少師
姚廣孝監造心尤虔範金鳧氏具橐鑰鎔出楷法青瑤鐫六僧
邪許力齊叩百里內外聲連延萬歷別構萬壽寺移鎮閎麗
頰中涓郭西一時富梵宇登樓觀者齊摩肩尋因白虎貴寧
靜委臥郊外同飄飄風輪雨脚爭綉蝕銑于紅碧隨蟲旋匹
諸銅駝在荆棘行人過弔羶雲烟

皇朝重是舊時物覺生建剎隣玉泉裹毡力役累水致高縣
傑閣何歸然鯨鏗鼉吼衆山響太虛震撼聲闐闐時來得鳴
國家盛此鐘歷劫彌精堅不見鳳凰府鐘洪武時造燬兵燹雞鳴
埭鐘永樂時造眠荒阡宋公濂作頌沈公亦度所書寫彼皆淪棄爾獨
全器分興替莫深論道唯久大通重元

聖人凝命崇六樂雲門韶護賡虞弦以定衆志節昏旦位爾
祝敵簫管前大鳴小鳴協典則豈獨龍象安五禪乾清坤寧
聲教訖鐘兮永永考擊垂垓垓

題侯元經明經天姥圖次胡穉威徵士韻

曦光真同赴壑蛇身墮塵海無津涯名山之約十年負情游
空縈白鼻騶夢魂忽忽到天姥山耶雲耶路半遮雲衣逢逢
化黃雀山幘疊疊披青霞野水無人起光怪匹練旋見金背

蟻天門跌蕩迴鸞車却入迂徑多琪花涼風蕭蕭吹我醒簾
前松月枝橫斜晨坐孤亭倚樹杪庭宇窅深客來少諸翁七
手提一幘盡開言首道侯生好吾知生也天下才奇崛文章
冰雪抱卽觀此圖見性靈塵壘難侵空翠繞峭然坐我天姥
下對之恨未識生早野鹿山麋本寡儔兩心契合堪絕倒丹
梯百丈凌清都福地洞天何處無與生久客胡爲乎驚沙眯
目時糝糊生旣居山與山別臥游日日攜此圖盍學叔起且
遠去持竿大澤隨鷗鷺不然思報信陵恩慷慨夷門法乃祖
我惜時無真豪雄愛才詎少昌黎公筆搖五嶽那終窮肯艷
春碧輕秋紅麻鞋亦登天子殿仙骨自到蓬萊宮它時却恐
置身崐閩頂回望天姥一氣青濛濛

送冠雲兄歸吳江

獨抱遺經在浩然歸故廬已忘中酒味還讀古人書楓冷吳
江歸身閒笠澤漁惟懷望溪叟音問未應疎

方夫子與兄
談經最合

立秋夕同中林履旋小飲隱拙齋

早見銀河角影斜西風先到小庭花涼生荷芰野人服秋滿
竹林居士家團扇欲拋畱篋衍短檠初上對窗紗題詩莫感
流光速明月當頭酒可賒

送趙漢忠進士歸常熟兼柬次山前輩

喜君歸臥年方艾廿六年間客

帝城一第艱于孟東野高文欲準漢西京尙湖雪淨村如畫
虞麓春來地可畊若過閉門王侍御道余頻感別離情

春日懷杭州

花結香雲柳折綿西溪巖畔六橋邊山峯雨後都成髻湖水

春來欲到田無分金門還索米却尋鄉路似登天空餘斗酒
雙柑意辜負江南又一年

裂帛湖

汀樹離離秋已殘水清沙白一憑闌待攜小榼春風裏開遍
山桃並馬看

趙

信

字意林仁和監生乾隆丙辰薦舉博學鴻詞著秀硯齋吟藁

沈德潛曰意林融冶超詣偶摘一二小詩裏回唱嘆能移我情

碧谿詩話意林與兄谷林同有詩名又嘗與蘇林相國倡和刻同林倡和樂行世

重過慧日山房和亦諧上人

山腰隱蘭若窗外石鱗鱗谷鳥吟初旭巖花弄早春境幽堪
避俗雲嬾亦宜人記得曾游歷鴻泥跡已陳

月竹

到眼一叢碧漾漾涼月生葉深秋露重風細晚烟輕鳥語不
知夜我懷如此清過橋回步緩个影數分明

東堂檢書作

樹老苔深蔓草荒檢書聊復坐東堂疏花亂石空三徑落葉
孤琴共一牀吟斷白雲晴又合醉餘黃菊冷猶香知音寂寞
還搔首握管躊躇到夕陽

和樊榭秋日病懷韻

西風獵獵晚晴初舊約看山願已虛時復靜居非畏客年來
多病爲書纔廊散藥孤斟後隱几焚香小睡餘知是先生
能學佛語言文字暫消除

沈炳震

字寅馭號東甫歸安貢生乾隆丙
辰舉博學鴻詞著增默齋詩集

全祖望墓誌銘畧曰

世宗憲皇帝之舉詞科也先後應

召至

者二百餘人予皆得與之修同譜之好而著書其最精者有
如歸安沈東甫東甫篤志古學窮年著書其最精者有
新舊唐書合鈔共二百六十卷折衷二史之異同而審
定之而莫善於宰相世系表之正誤方鎮表之補列拜
罷承襲諸節目是皆予讀唐書時有志爲之而未能力
嘗語東甫可援王氏漢書藝文志考證之例孤行於世
者也九經辨字則小學之膏粱也讀史四譜則三通之
羽翼也其餘尚有唐詩金粉等書則亦騷人之鼓吹也
增默齋集古今體詩予皆嘗受而讀之大科旣開東甫
與季弟幼牧並登故事度幾盤洲厚齋伯仲之風予取
東甫諸書以呈戶部侍郎臨川李公臨川驚喜曰不意
近世尙有此人亟欲推挽之而臨川左遷不竟其志東
甫兄弟亦

並放還

詞科掌錄歸安沈炳震東甫詹事太倉王公所薦著

欽定

有九經辨字讀蒙十二卷爲陸德明張參之學者也
朱文藻曰沈炳震所著九經辨字讀蒙十二卷恭案

頗爲細密又蠶桑樂府一卷經江西巡撫採進錄人別
集存目乃增默齋詩集之一種自護種至養神凡二十
首皆七言長句益欲以當蠶畢報賽之曲也又所著讀
史四譜乾隆乙未年嘗送入浙江書局後以鈔費甚繁

不及奏進
時其惜之

繰絲行

朱門羅綺賤如土繰絲誰惜貧家苦絲成織錦更不辭但願
莫忘繰絲時絲頭斷還續水沸那可觸日夕費辛勤喜見絲
成束秋來重覓衣裳補裙布相看淚如雨

沈炳謙

字幼牧號勞山歸安歲貢生所

詞科掌錄歸安沈炳謙東南第六弟也少即工詩居竹
墩羣從倡酬極一時之盛上蔡程公總督浙江時與提
學奉新帥先生蘭阜雅意搜羅幼牧以五法九政說受
知薦牘列名第五在余與天台齊次風間余時有王前
盧後之謠其師嘉善柯南陔方掌教太末寄詩有洛如
花正爲君開之句蓋深喜其遇也後余與厲二太鴻扁
舟過訪畱止信宿時前輩聯句其一也幼牧罷歸童稚
日夕今所傳積照堂聽雨聯句其一也幼牧罷歸童稚
不戒於火堂爲煨燼累世遺書皆隨之盡難兄東甫又
抱人琴之痛幼牧佗際不自聊賴將遊歷四方以抒其
鬱鬱而迄無所
合亦可悲已
詞科餘話歸安沈炳謙以後到補試題有五法九政論
蓋初學記偶僣率合之辭榜後試帖盛行仁和孫之驥

子駿向任慶元教諭家居著述其松源經說中亦有一
論似攻擊沈君而作者然風簷應試之作未可與暇日
類索者
同論也

涼枕

藉爾消長夏桃笙位置同劈藤肌滑膩削竹樣玲瓏醉面常
相慰清飈得漸通帶紋知久睡驅蟲爲頻烘汗漬光添潤香
消氣更融乍欣飛栩栩轉恨醒忽忽野客提攜便吳儂體製
工高低心自適疎密影全空藏巧花千瓣翻新月一弓何曾
來暑氣未便怯秋風莫遣青奴妒休誇團扇功北窗幽夢好
端合贈陶公

夢花齋詠燭

記否當年絳蠟燒箇人依約坐吹簫新聲聽罷花頻落舊曲
翻時影乍搖已分成灰畱一寸可能聽雨話連宵幾回夢斷

沈吟久苦憶清光照翠翹

棠湖舟次呈戴卯君觀察

郊居賦就苑雲邨窗對南山水繞門倘友遠懷蘇學士

漸成草堂

取坡公詩句

卜鄰近接趙王孫

草堂對岸蓮花莊爲松雪故宅

兩餘荷氣通簾幌

風動槐花落酒樽好與吳興添掌故癸辛他日記名園

東山暫臥樂無涯絲竹何煩暢好懷萬卷書倉高插架一枝玉樹秀臨階孟韓聯句詩篇富王謝遺風子弟佳野客倘容來問字待攜笻屐與芒鞋

沈榮光

字葆之號權師歸安人樹木子乾隆丙辰進士官台州教授著碧浪權師詩略

採菱曲

潏紋潏潏織輕颺一抹斜陽濕漿時儂似菱花郎似葉任他前復總牽絲

姚汝金

原名世鍊字念慈後改今名字改之號貞菴歸安人順天副貢生舉博學鴻詞薦充三禮館纂修官

授長沙縣丞著孤笑集五臺山遊草

詞科掌錄歸安姚世鍊乙卯副榜貢生同鄉兵部吳公所薦病不得試丁巳補考已擬進

呈以

卷中塗抹過多報罷詩才清偶律絕尤

見擅場以西林鄂中堂薦與修三禮

隨園詩話李鴻堂侍郎云凡拾人遺編斷句而代為存

之者比葬暴露之白骨哺路棄之嬰兒功德更代何言

之沈痛也余不能仿韋莊上表追贈詩人十九人乃錄

近人中其有才未遇者詩號幽光集以待付梓採取未

畢姑先摘數首及佳句存詩話中歸安姚汝金性落拓

冠履欹斜有南朝張融風味謝吳眉菴少司馬薦鴻博

啓云十年老女猶畫娥眉百戰將軍空爭猿臂一時傳

其工整念慈受知於鄂文瑞公公卒念慈哭云未報公

恩徒一慟自憐此淚亦千秋在山左時有訛傳其死者

後入都諸相煥太史贈詩云學道終朝銀闕去入都快

比玉門還陳兆崙紫竹山房詩集庚辰重九前二日歸安姚二念慈自金臺書院辭赴山右鄂中丞之招諸生送別有垂涕者不可無辭以贈詩曰罷尉河西遂不官客中為客感無端青山直指雁來路白髮行飄風裏冠生計幾時

光緒元年姚汝金

歸香水故鄉今日是長安東門帶草叢叢在待繫先生
去轍難姚廿年前選授某縣丞以病去任僕爲京尹時
延爲
山長

梧門詩話念慈詠酒徒云氣從田實筵前短興到荆高
市上豪情保亦應憐姓氏生涯原不稱旌旄逐客云故
人書札雙魚懶商婦琵琶一雁哀倦僕云主恩酬過千
頭橋世態看如一片雲病僧云干劫難灰心寸寸一塵
猶隔路重重癡仙云桃非手種何堪竊
玉不田荒却費耕吐屬微婉兼有寄託

題李將軍夜逢醉尉圖

隴西將軍雄且武猿臂開來聊射虎良宵與客飲田間飲罷
歸遭亭尉侮將軍醉矣尉未醒宿之亭下良復苦羸馬單車
野次偕昏燈澹月殘更吐是時將軍正失官意豈須與忘滅
虜慙屈龍沙熊豹姿試聽驚埃蝦蟇鼓盡師募寫如目觀面
帶微酣色微怒古者門官各有司彼候人兮實至之夜行必
禁犯必罰由來啓閉惟其時今將軍尚不得爾斯言良是非

醉詞倘師文帝獎細柳此尉應得蒙恩知或如丙相怒酒失
異日可藉聞邊機請俱一旦快私忿將軍之量宜偏裨

詞科報罷南歸留別

一寸心香冷復溫縱非惜別也消魂無才會飽侏儒粟有夢
重排金馬門世上敢言青眼少山中自覺白衣尊文章報
國談何易身在終須答

主恩

姚世鈺字玉裁號蕙田歸安諸

全祖望著屏守齋遺稿四卷

僅有之材也二人者讀書並能冥搜神會直見古聖賢

之心其為詩古文詞清雋高潔平一干古一時推為國

器然而皆一貧如洗不克自贍其少意田尤瘦羸長年

委頓藥裏不去于風寒暑雨時若有思伯抗之敬所遭

奇禍連繫西曹者五載二人皆無子嗚呼其可悲也

衡並負俊才人以雙丁二陸目之為家翰翁太史之甥

輪翁曰此吾家師川駢父也秉衡前歿于裁翁夜雨傷

神岡題詩哭之語極悲楚性嗜友朋山水於其鄉與

太淵金壽門稱莫逆過江則交西秦張詰士及馬卿谷

佩兮昆仲其老友則宜城家樛崖翁氣誼學問相與劇

切其詩初則才情雋麗格合聲諧中年悒悒無所謂加

以鶴原痛切後更羽喪才女多激宕淒清之音所謂備

文質兼雅怨者非耶為文章貫穿經史秀礪闕肆有

所考訂必詳核精當而才嫺于法卓然成一家之言

梧門詩話爾雅蕚萍但言其大者藟郭注亦不詳其形

色而明人李時珍本草綱目謂四葉合成如田字者蓋

若之誤也又誤分其葉為蓴花為萍蓬草不知合而

之即此花也姚世銓有句云白蓮比貌差相似本草呼

名却亂真最為的當姚詩激盪清吟咏最富余見其

屏守齋遺詩二卷而已答陳楞山寄畫白蓮云白蓮

外冷雲清一笑開絳妙寫生苑是舍南池上見水花

葉月朧明黃梅云水雲城郭數吳興曲港重湖一碧

深得黃梅三日雨家家勝所稱蓮花莊集今謂之屏守齋

門外有魚鱗風調絕勝

朱文藻曰全祖望塘志所稱蓮花莊集今謂之屏守齋

遺藁案

欽定

四庫全書載入別集存日稱其平生學問以何焯為宗

故余祖望為其墓銘曰慧田之學私淑義門義門之徒

莫之或先人亦有言畢守太堅慧田不信禦侮兀然

每逢異幘互有爭端焦肩徹舌各尊所聞紀其實也

哭女三首

十歲言詩有性靈
木蘭愛說替耶征
黃泉不是黃河水
聞否耶孃喚女聲

貧家生小儉梳粧
竹筍練裙少盛衰
繡得羅襦幾回著
送終猶是嫁衣裳

傳業方今羨蔡邕
賦情別更比陶公
明知此恨古人少
哭女偏當無子翁

將至揚州與家人病中別

暮齒千行淚
新年百病身
自然憔悴盡
何待別離頻
藥裏關心勸
衣裝倩手紉
平安早相報
江上有春鱗

妙山石壁下臨青山潭是山第一境二首

斗起蒼崖根
純浸碧潭底
蒙茸懸崖花
冷香被煙水
游魚若

乘空獵影戲紅蕖
徒從忽驚轉沈沈
翠微裏殊絕畫屏金
碧收不起

妙山呼不來
隔水立突兀
問渠笑不言
畱我坐盤石
撫琴絃
清商秋思滿巖穴
石邊紅楓樹脫葉
如脫髮
清境難久畱
林端已明月
終候結茅齋
臨流面青壁

秋玉買天寧寺後廢院數楹
葺作別齋
署曰行菴
初冬
招同人秋集卽席有作二首

到寺滿霜葉
入門先竹林
羈懷散晴晝
勝引愜幽尋
行竈傳
吳味登樓動越吟
菴左有某氏小樓可登眺
縱非吾土美
徙倚夕陽沈
天地本遽廬
行窩樂有餘
未妨三宿戀
還讀十年書
鄰樹枝頭鳥
朋簪花外車
打鐘兼掃地
常住竟何如

夏日客中遣興

過鳥流光獨客知
亂蟬聲噪夕陽移
扇拋白葛涼生處
書掩青天露坐時
菱葉荷花水楊柳
豆棚瓜架竹笆籬
故園頗自宜消夏
歸及秋風起未遲

橫塘

橫塘秋意正清華
岸嘴風輕漾釣查
誰放白鷗三四點
避人爭入水蘊花

汪沆字西顥號槐塘錢塘諸生乾隆丙辰舉博學鴻詞著槐堂詩文集

杭州府志文苑傳畧曰汪沆早歲能詩為學博涉無津
淮與王曾祥杭世駿符之恒張增稱松里五子分修浙
江通志及西湖志舉博學鴻詞
額蓋報罷遊天津客查氏水西莊南北論詩者奉為壇
坫大學士史貽直欲薦舉經學以母老辭歸沆好求有
用之學自農田水利邊防軍政古今沿革方俗利病所
在靡不條貫屢為大府所招致遇事直言見者感其誠
晚年自定撰著多通達治體鑒然可見施行者性胸雋
事親孝昆弟未嘗折箸迎養寡姊惠周戚黨前後葬三
余台

兩浙輜軒錄

卷二十一

汪京

完

八十一卒有盤西紀游集估上題襟集津門雜事詩青
囊解感規塘文稿詩稿俱行世論語集注刺義湛華軒
雜錄小眠齋讀書日札詩話全閩採風錄蒙古氏族畧
汪氏文獻錄新安紀程識小錄泉亭瑣事說瘡俱藏家
制府彭城李公招同志局諸公泛舟西湖分賦

西湖大好作春遊珂佩如雲簇水頭漸見鶯花迎上巳卻聽
簫鼓競中流交脰柳色新難辨隔樹嵐光暖欲浮誰似尙書
能愛士日斜堤外未迴舟

紅橋秋禊詞同閔蓮峯王載揚齊次風作

秋光潑眼奈愁何寶祐城西打槳過聽到荃聲同雨落十分
涼意水邊多

垂楊不斷接殘蕪燕翅紅橋儼畫圖也是銷金一鍋子故應
喚作瘦西湖

壓波多少好亭臺秋色扶闌寸寸開更愛水荭花夾岸回船

幾穗入窗來

書曝書亭集後

老去無心典石渠扁舟歸釣小長蘆排籤自笑搬薑鼠釋褐
人憐上竹魚曠世才華追屈宋百年踪跡半江湖如何史筆
高三館空負蘭臺七上書

重九前三日查儉堂招遊陶然亭歸飲沈椒園隱拙齋
分賦

城南水木淨無埃先喜黃花爲我開日下此亭推勝地天邊
有客獨登臺晚山青向樹頭出踈雨響從蘆外來凭檻莫嫌
慙色重故人還約汎深杯

集蘆浦寓齋看丁香花同次風椒園周元木胡穉威張
少儀周讓谷作得齊字

燕山寒多春事晚二月已破風猶懷緋桃穠李不到眼但見
丁香一樹抽枯蕋曉來雨過六街淨輕衫不受纖塵翳巾車
爲赴故人約入門滿院繁英迷駢枝接萼紛姪姪含苞一一
宛似明璫低廣庭半割紫絲障卓午香遍隣東西是時寓公
次第集移牀花下鋪青綈檠榻隨分亦不惡况有吳柑易栗
哀家梨頗憶前年上已後小橋樹巷經句棲殿春花好壓擔
賣酒鱗浮動銀畱犁捲簾燒燭興不淺劇談聽到三號雞自
從許郎州黃海去予亦津門策蹇蹄京華旅食二三子判如
雲散星晨睽今朝且喜風日美花前綦履重提攜涑州滄州
並佳釀對花不飲花應詆人生擾擾舞甕雞俯仰物理難爲
齊不見此花明艷矜絕代九品九命無緣題

吳繡谷先生有宋雕許丁卯集逸去多年先生旣沒哲

嗣歐亭遊京師得于書肆以豐價購歸重爲裝潢邀
予賦詩以紀其事

古人重手澤寶之逾珠蠟物薄意則厚不忍忘其親余友瑚
璉質守先多謹循遺書富鄴架校勘禿老貌惟此郢州集羽
化綿冬春中念乃翁跋積想含酸辛竭來長安市滾滾多沙
塵王充慣閱市何以慰鮮民思專見神通趙璧竟返秦詎同
塞上馬肯惜捐千緡古香溢妙錦載歸光重新東南多望族
書庫什襲珍易世供覆瓿徒令旁觀嘆一編尙爾爾遑暇堂
構論聚散亦無定負荷匪異人凡百有父書式是書諸紳

人日和查蓮坡韻

油窗烘煖硯池融春意潛歸臥閣中勝事尙傳煎餅會流光
又逼試鐙風牆陰剩雪留虛白簾底疎梅破冷紅獻歲無如

今日好莫教輕放酒船空

噉荔不及十顆賦以自嘲

堆盤鮮荔似頰虬雙頰津津玉液流我與世人殊嗜好每逢佳處輒思休

送王古鐵還里二首

豈不畏炎暑迢歸戀舊林離亭慙會而長路劇關心傲僕因

貧去孱軀怯病侵道逢南浦客

謂唐訪庭或贈買舟金

家有野航集

合祖赤岸先生著有野航集

流傳翰墨林門才堪繼躅旅食

負初心劍浦溪流合霞關嵐影侵每逢佳處咏勝載百兼金

吳山酒樓寫望同施蔭千旭占作

惟有登臨我獨便得攜佳士更翛然山光最愛一樓貯秋色無如九月妍黃葉寺邊聞過雁夕陽江上見歸船憑欄舊事

從頭話嘆逝傷離紛眼前

雷州葛

雷女采葛緝黃絲東家織綌西織絺織成一匹血牙色軟比
鯨綃薄蟬翼朝來里長持縣符爲言上官火急需織女下機
語向夫好持全匹了官逋妾身尙有蔽體襦

程鄉繭

育繭織作紬椒柘分明各不侔育繭織作布羅浮大蝶化絲
吐紅綫兩端機杼良縐紋蹙起壓文昌吳綾蜀錦無輝光物
情好異爭相尙花錢五員購一丈裘馬翩翩詡時樣君不見
窮簷不少無衣人天寒布單長酸辛

示燕

香泥休更污琴尊借得成巢地主恩任爾誇張棲畫棟可憐

多是傍人門

素山集里中同康熙甲申生者桐峯摩村躋堂柯山兄
及予六人宴於端華堂酒半出順治元年所製銀杯
命後甲申所誕哲嗣奉以壽客肇舉齊年之會遠希
會昌元豐諸老之高風甚盛事也摩村斐然有作予
續賡一章用以紀實

粉榆五老衡宇鄰過從步履不隔旬維予糲粃玷後塵柯山
居士齒冠倫一麾出守猶逡巡諸公衮衮佩印紳甘棠之碑
樹嶙峋政成邁歸狎釣舫宰官偶現遨頭身比剖心戀鶴髮
親遺榮一疏蘭陔循暇續入社羅眾賓登堂拜母展華茵小
同掛客詞恂恂問年先後齊甲申改席榮出鑿落銀紫芝煌
煌爛若新開

國紀元第一春良工製巧銘辭諄觴行疾若下版輪插芳咀
甘穀迭陳笑言和懌音叩罇竹溪人物遜此辰方今

聖治被八垠緬會行見隸僕臣咏歌太平娛夕晨山屏水鏡
湖之濱篴輿栗杖莫憚頻歲寒令德保松筠嘉會勿替耄耄
臻

汪

浚字在郊號蔗塘仁和貢生沆弟
著對床風雨集愛吾廬吟稿

得家書

遠書來不易三月到幽燕弱姪詢行橐家人費卜錢屢看冰
解泮忽見柳含烟自嘆離鄉井蹉跎又二年

查蓮坡先生出杜宇老人所贈天然曲几見賞同人分
賦得龍字十韻

君家曲櫝几蓮社舊會俱磊砢形全異支離靈獨鍾懸崖疑

兩浙輞軒錄

卷二十一

汪浚

壘

石碣陰壑想苔封上下猿猱影盤旋
鹿豕踪斧何煩斷削歲
歷幾秋冬作製歸緇叟提攜下雪峰
散才方見賞蟠木有先
容迥對禪心靜應耽野趣濃焚香承
小鼎挂壁友疎筇却恐
因風雨中宵欲化龍

再送董浦先生還鄉卽次蓮坡居士書懷原韻

天涯分手意悽悽重憶相逢沽水西
紅藥後庭拈麗句碧桐
深苑舞文雞潮生柔櫓人微醉曲度
酥娘坐每齊底事中年
風味減水田桑下但扶犁

水西移履草初芟
新別斜陽樹杪啣
故瀨喜隨鳬泛泛
舊巢苦憶燕喃喃
從今把釣仍青笠
往日評文本白衫
看爾夷猶真達者
柁樓高坐便揚帆

次靜甫姪晴窗讀李杜集原韻

三唐科目重歌詩李杜文章反見遺光燄至今畱萬丈蚍蜉撼樹笑羣兒

南屏

小艇輕於葉浮沉荇藻間風微剛皺水雲過忽移山秋老長隄靜天空飛鳥閒南屏霜樹赤流盼不知還

周

京

字西穆又字少穆號穆門錢鼎原貢生乾隆丙辰舉博學鴻詞考授州同知著无悔齋集十五卷

杭州府志文苑傳京事親孝父病禱神願減已壽授經奉母中年南游閩海北燕趙西秦晉所歷名山大川墟莽古跡多寄懷慨書法奇逸酒酣興發數十紙立盡到處名卿倒屣虛席晚年息影蓬廬共里中詩老結吟社縱浪湖山醉題酒樓壁好事者競鈔

詩贊酒有詩價高如酒價高之句

全祖望墓志畧曰穆門以詩名天下五十餘年大科之役姚侍郎三辰薦之應徵至京徘徊公車門下數日稱疾以歸杭之詩人為社集羣雅所萃奉穆門為職志詩成穆門取長牋寫之醉墨淋漓得者以為鴻寶穆門故鄞產前明右副都御史葦崖先生相之後其遷杭五世暮年別自署東雙橋者副都所居鄞城北坊第也

南宋院畫錄馬和之畫有楊妹子題周京題二絕云雙
龍小篆玉錢圖淡墨香消五百年遙想署書楊妹子綠
窗朱戶繡簾前洗盡鉛華馬傳郎獨畱絲筆帶宮黃鳳
凰山下莓苔路露井寒林幾夕陽詞婉而寄慨特深
炙硯瑣談錢唐周少穆同友人湖上句云野鷗導我有
閒意新柳笑人成老夫風趣可挹沈歸愚宗伯亟稱之
隨園詩話余幼時游西湖見酒樓號五柳居者壁上題
詩甚多不久即去惟西穆先生一首墨潏淋漓字寫
爭坐位帖歷七八年如新酒樓主人及來游者皆護存
之極其爲名士故也題爲冬日同樊榭放舟湖上念樂
城赤鳧都已下世彌覺清游之足重也分韻同作云一
角西山雪未銷鏡光清照赤欄橋小分寒影看梅萼半
入春痕是柳條閒裏安排塵外迹酒邊珍重故人招孤
燈落日空臺榭歲晚重來話寂寥後四十年余再至湖
上則壁詩無存西穆樊榭久歸道山
而酒樓主人亦不知名士爲何物矣
鳧亭詩話周穆門山行詩風從荒野過來橫雪向雲山
莽處明寫景非後人所能道而非字亦非老手不能下
舟泊山塘

畱卻金閨一日程虎溪小住趁閒行春波大半歸吳榜山翠
無多入郡城短簿祠邊絲雨歇館娃宮外水燈明菱歌清唱

銷沈後聽得隣舟倚笛聲

樂城

柳疎煙薄見樂城遠有樓臺入晚晴半角寒雲催日落一卮
社鼓散春聲歸鴉背郭追飛盡疲馬衝泥不肯行爲問歌呼
屠狗者市門殘雪酒旗橫

送沈椒園南歸

憐君不得意歸臥北山陲臘雪冷行路江梅開舊枝敝裘游
子淚白髮故人期日落聞鄉語尊前詠別離
我亦棲棲者胡爲此送行天涯同雪涕鄉國獨關情萬事流
水去一筇春草生蒼南在人世聽得棹歌聲

南城看桃花行

桃花三月城南路上下江光隔香霧江光搖動桃花紅似掩

湘簾出朝曙鳳皇山下塵土中中有宋時宮殿處至今桃花
能笑人露井風開說前度我來花發春風顫春風春雨愁春
暮桃花面面春風吹不見龐公上邱墓江山如畫春帆行一
片春情滿江樹暮鴉寒食故行宮回首桃花落無數

葫蘆井

南宋宮中井近曾淘出銅印數十枚隣姬寶其一摹
篆文宣德節度使之印厲孝廉鶚攷是吳越時物又
有汲具木數片上刻夫人娘子位號者

古井四時汲寒泉經幾春南朝不改邑吳地尙遺民金印粲
故物銅瓶出內人桔槔灌園者日日及清晨

西湖汎月詩

一湖絲雨亂紅收天放閒人散老愁擬宿春波夜來月晚風

吹上木蘭舟

木蘭舟上倚微風
艷影濃香盪槳中
新柳不遮春水綠
小桃初破夕陽紅

游人去盡半湖烟
乍啟窗櫺月入船
喚起春山如夢醒
水明樓上一輪圓

三月十四日壽門樊榭抱樸同酌江聲于湖上分韻

常向東山醉此湖
南船北馬半模糊
野鷗導我有閒意
新柳笑人成老夫
燒筍年光杯在手
落花時節杖相扶
青鞵布襪從君著
脫却朝衫穩稱無

吳

城

字敦復號臨亭錢塘監生焯子著武林耆舊續集臨亭小稿雲雙齋詩話

杭州府志文苑附傳焯子城克承先志殫心羣籍插架所未備者復爲搜求勤加校勘數十年丹黃不去手汪沆傳畧曰先生考尺鳧翁喜聚書凡宋雕元槧與舊家祕冊若飢渴之於飲食必求獲而後已先生克承先

兩折贈肝錄

卷二十一

吳城

差

人志校勘其字句之訛脫者卷帙無多號稱善本嘗客
游京師於報國寺市上見有朱板許丁卯集先人題跋
私印宛在不覺狂喜出豐價購得之一時名流咸歌詠
以紀其事家有繡谷亭亭前朱藤一本為尺鳬翁手植
歲月寢久輪囷盤曲陰蔽四簷花時先生必置酒高會
出所藏古名器酒器一百八件以觴客繪圖乞詩時從
南屏焚虛讓山兩上人作山水遊冰牀雪被借榻細廬
又作禪龕一座設于讀書之瓶花齋杜門却軌顧念吾
杭一郡為雅材淵藪其間湮沒失傳者不知凡幾爰銳
意蒐羅自簪組以迄布衣外閭秀得二千三百餘家
或因人以存詩或因詩以傳人頸錄不遺
粹十餘載之心力而先生已病肺不起矣
朱文藻曰臨亭先生所居瓶花齋在九曲巷口與汪氏
振綺堂南北衡宇相望兩家皆嗜藏書精校勘常各出
所藏互相借抄余館振綺堂整比書籍因得常詣先生
討論古籍間亦預賜詠之會乾隆壬辰癸巳間
詔纂四庫全書徵天下遺書以備採擇由是兩家皆進書
御題所進善本又各
賜內府書籍而瓶花齋進書時先生已歸道山矣令弟玉瘵
主其事惜先生不及躬遇
盛典也武林耆舊集余為校閱一過今其書遠在黔中
不獲採錄致享小葉則為其孫荀龍所藏因選錄之

先君子舊藏許渾丁卯集失去二十餘年余於京師重

得之以歸先子圖章宛然簡端撫今悼昔因得長律

三首

手澤猶存小劫中金臺重購自城東去來空自悲雷劍得失
何須問楚弓風景年年人代換殯宮寂寂夢魂通九原不共
殘編作灑淚摩挲讀未終

浪漫天涯劇可憐放懷隨處領山川淒涼過眼煙雲錄停泊
浮江書畫船燈火青熒如作夢風簾點勘記當年縱橫私印
猶完好故物歸來信夙緣

汗簡縹囊破寂寥古香依舊伴清宵拜經莫笑同痴嗜吸墨
何能慰腹枵檢校歸裝惟筆硯思量生計只漁樵江山風月
雖堪主豈忍重經丁卯橋

放翁有若論風月江山主
丁卯橋應勝午橋之句

題王麋徵村齋圖

不必追高隱聊爲鄉塾師三年秋卷罷十口午炊遲經案饑
颺去庭階碧蘚滋村齋曾遣事應自有新詩

橫塘風俗古常傍水雲居屋角瓜壺繞牆陰桑柘疎笑談驚
野叟燈火問農書懶散巡簷步春風滿學廬

十日坐孤館相思便見過兒童消寂寞里社共酣歌徑僻行
人少村深古木多免闌拋舊冊急就讀如何

咏竹夾膠

六月火雲飛兀兀赤脚踏冰不可韞桃笙藤枕懶晝眠忽被
一涼恩到骨誰截此君空復空交紋疊翠何玲瓏招涼珠與
延清室相伴依依豈爾同西風一夜吹瑟瑟長門冷落知誰
惜頻年自笑在家僧莫慮歡情容易失

集瓶花齋送張鐵珊還當湖

藤陰長愛閉門幽忽慢相逢又別愁手補圖經尋善本

君時有修

志之

醉聯詩句上層樓

春初余偕諸同人集弄珠樓

半生落落漁樵侶一

雨蕭蕭荻葦秋此去故山好招隱木樨香發待歸舟

雙韭來自越中葭林竹田同集繡谷亭分得掩字

怒潮挾風雨崩騰不可撼連日江上舟貼岸孤篷掩有客過
吾廬旅程云自剡昔別荷未開今來暑已斂山川供閱歷歲
序感荏苒知君氣素豪詎畏三浙險但得酒共酌一醉燈
暎睽井水浮甘瓜明珠剝白芡蠶看畢卓臥餽陋蒸壺儉亭角
繞藤涼陰空薄疎簾夷猶月漸高
清漏傳幾點

江聲先生七十

脫却朝衫理釣綸蕭疎雙鬢白如銀湖山生長林君復鄉曲
風流賀季真幾卷丹經消永晝四圍翠嶂屬閑身典型老友

嗟零落杖履追隨不厭頻

冬日同葭林雪舫西顓蘭林過臯園用樊榭集中韻時

樊榭已下世

步屨城東晚景佳小園無恙動愁懷祇餘老樹空腔在無復
清遊舊雨皆幾度朝昏添白髮頻年聚散負青鞋懷涼莫把

前詩和一字吟成一淚揩

朱稻孫

字稼翁號芋岐又號娛郎秀水人府學貢生彝尊
孫昆田子考授縣丞薦入春秋經局舉博學鴻詞

著六峯
問稿

梅里詩輯徵君門第既高學問亦富性疎曠冷遇遂進
遺會試詞科一入經局與修浙江通志卒成經義遺書

身雖不達名重藝林六峯閣詩四卷乃其
少壯所作至老篇章未付棗梨尙俟續輯

詞科掌蠟秀水朱稻孫少遊京師太倉
相公薦修春秋故與宮詹有舊遂舉之

月夜宿清流關

重關昔設險山勢多另削徑小路盤紆有蹇策不得秋月皎
夜光遠近見峯色分明龍眠畫具此大筆力緩步過山坳
襪費攀陟鐘聲雜鈴草可聽不可卽白露濡我裳一餉林間
息

梅谿

溪水碧於玉淙淙鳴不已青竹篙撐上急灘自午至酉行十
里前山後山籠白雲白雲遠近迎斜曛修篁滿山風颯颯山
根老樹黃鸝脚遙望前村不見人但聞好鳥啼籬落小泊孤
舟步江外漁歌樵唱相酬對絕似嚴陵七里灘月明靜夜來
清簾

京口逢二十五弟以靜感懷

潦倒相逢淚暗揮津亭握手對寒暄風揚峭壁孤帆出浪卷

平沙一雁飛如此江山看亦好等閒人物見應稀且拚爛醉
爐頭去與爾銷愁任典衣

李宗潮

字坤四號蕉窗秀水人乾隆丙辰順天舉人舉博學鴻詞選授灌陽知縣著二守齋詩鈔

梅里

詩輯蕉窗爲盛院陳常仲子文采風流翩翩公

子博

聞強識聲在藝林詩體純雅不屑騁才使氣

陸耀

曰坤四外託沈冥天懷內朗足跡所至少不合意

輒掉

臂竟去余客晉陽同舍累月每見舉杯引滿語雜

詆嘲

坐客以爲笑樂嘗

和阮

籍咏懷百餘首

廢邱關

雲濃壑生衣雨過峯獻萼深林春已半寒威尙磅礴四面環
巉巖一路匙村落松煙土銚冷茅屋短柴縛相遇太古民吐
語見渾噩無事入城市徒令智巧鑿嗟我僕被遊瓢笠比行
脚謬以六州鐵兩鑄身世錯靜思古井波濯同冰壺魄家盎
求春糧歸將庖錢鋪

關中雜詠

都會聲靈控上游崇岡擁翳古神州五千言自關門授百二
形從劫火留塞草絕天荒古壘河源出地鎖洪流襟梁跨益
稱天府記取籌邊更築樓

祖龍氣盡斬竿呼芒碭雲歸受命符馬上開基誇赤帝關中
踞勝紀黃圖韓彭已被良弓誤張孔寧將漢鼎扶絲竹聲稀
蔡火暗美新遺論未全誣

劉石相延數舉兵潼崎西去半荒城絲琴莫辨華戎限碁布
猶存郡邑名霸王詩篇傳勅勒寓公賦筆重蘭成休誇混一
開仁際轉眼還嗤帝業傾

神堯佐命屬凌煙貞觀誰縉政治編鼙鼓有聲來北地鉏車
無術返西川藩封外鎮同遊戲閣禍中朝更結連白馬清流

緣底事悲風颯沓渭城邊

張

庚

字氏田號浦山秀水人乾隆丙辰舉博學鴻詞著強恕齋詩鈔兩朝畫徵錄

諸錦曰徵士秋感詩得曲江蘇州之餘韻

詞科餘話嘉興張庚浦山以古調自鳴不工律體就湖北蔣學使幕秀水萬光泰有詩送之云山人好詠詩作古不作律所法魏以前作五不作七詩節到處窮幽探去者入九存二三喜從皇墳別源始恥其愚下爭酸醜世人愛雕文山人示之璞世人愛太牢山人食之菽舍精茹英數十年溢為畫法尤清妍閻荆董巨路久絕山人尚欲躋其巔金馬門開來俊彥白衣獻賦明光殿羊角風高未得搏佞然歸抱紅絲硯即今重泛楚江雲仍是天涯滿瀟灑人東華軟塵高百尺誰能尼我山人輪十月層冰繞路隅尖風欲透貂裘綸倫問若畫狂游意寄我輕舟
迅邁圖
錢仁榮曰浦山工畫善書尤肆力於詩古文
詩五言古尤佳世徒以畫稱之非知浦山者

秋感

擊石更拊石以雅復以南端冕聽欲臥游魚翔深潭物豈智

于人至精諒斯涵乃知好學者學音曾未諳何令北郭生竊
迹時相參

晁山堂同學使蔣畱圃先生賦

羣山阻四望蒼翠杳重深落日收餘彩虛煙結秋陰清風入
林去窈窕發悲吟人家在煙際籬花冒谿潯卸鞍茅檐下啾
啾集鳴禽移牀列樽酒相勞還相斟

睢州秋懷

睢陽自昔江淮障苦憶中丞死守時獨恨賀蘭同道賊果然
南入是男兒孤城落日吹清角古廟西風颭大旗猶有陸家
姑闢祀至今黃土掩悲思

姑中丞姊也亦死難見中丞傳睢陽烈女祠闢位志亦失載余曾致

書劉州牧州牧以憂去未果行

許觀察招遊平山堂

載酒山城園拏舟向山趾山小氣頗幽堂深逕亦迤梵閣浮
林清崇欄傍雲倚迴瞰江外峯俯矚煙中寺時鳥既變聲新
綠無含美虛嵐欲蒙衣殘芳半黏履情適易淹留賞狹多延
企況與同方俱各領忘言旨回權已傾曦燃燈照河水

畫魚歌

海昌海石工畫魚流傳真蹟同寸珠沈子得之邀我賞草堂
浩淼成江湖几案書籤混藻荇一鯉躍起凌空虛昂首掉尾
勢雄拔直欲突過龍門趨驚濤洄洑盡湧立浮氣茫茫憑吸
噓下有雙鯢潛行急似避風雷不敢入小大局量本不同鵬
搏鸞控各所習吁嗟海石誠英豪情狀盡出窮毫毛令余神
色亦飛動似駕長風萬里濤快呼樽酒與君飲醉歌仰視江
天高丈夫骨格負奇傑安能蹉跎隨兒曹

許

燦字衡紫號晦堂嘉興諸生著梅

朱爾孫燦垣集序畧曰晦堂詩鈔五卷

侍衛出為甘肅參戎歿晦堂生三齡隨母扶柩還里苦

志力學弱冠有文名歲甲寅為其先人任內辨駮核減

官逋抵甘肅對簿畱數載會

今上

詔賜卹免歸家益自奮淹貫羣籍教授養同

鈕孝思晦堂詩集序畧曰晦堂先生弱冠以尊人辦駮

官逋對簿甘肅著燦垣集迨事自言歸杜門課徒著擊

汰等集未幾慕禹穴蘭亭之勝出游山陰與越之詩人

童二樹唱酬不輟人以皮陸目之明年至江西復與東

湖諸君子流連鵲詠有楚尾等集顏方伯招同入閩有

荔雨集余與晦堂交垂四十年晦堂耽於詩而苦於吟

過一字未安至數十易往往終夜不寢余嘗勸其自愛

精神晦堂云吾童而習之久而成癖非獲其精蘊不欲

休也晦堂之致力

於詩者從可知矣

碧溪詩話晦堂為吾友嘉禾任石民之師石民得詩法

於晦堂著浴硯山房集中有詩述其師說云先生昔論

詩輕俗掃元白力追陶韋風不使神情隔締構渾天

成運斤泯痕迹大指如此今讀其全集殊不盡然

南野堂筆記梅里許晦堂先生少孤未弱冠于役甘州

著燦垣集短歌長謠縱橫莫當歸而往返江湖以老有

擊汰楚尾荔雨等草卓然大家錄其一斑可見全毛也
 如關山月云關門一片月戌客未還家鐵甲秋乘障
 弓夜枕沙天山照古雪羌笛落梅花誰念高樓上刀鏢
 祇白嗟雨雪曲云飛雪明雞塞西風凍鵲關邊聲吹不
 起寒色滿天山交水乘水渡長弓帶濕彎三秋防突騎
 報國敢思還塞上句云蜀體滾滾泥沙間戰血凝作胭
 脂山河西雜詩云詞臣善頌元和聖小雅仍褒吉甫功
 西極若徐千里馬東封請用一九泥西王近下三青鳥
 穆滿空歸四白狼邊丁日課
 屯田麥使者星馳屬國瓜

出塞

虛作還家計寧辭出塞勞春陰喧蛤蚧夜帳酌葡萄土壤流
 沙盡山峯聚雪高據鞍真失笑戎馬一青袍
 獵狔煩周將燉煌拓漢邊驅馳烽火外憑弔戰爭年有水皆
 名海無山不倚天琵琶彈舊曲新怨入鵑絃

河西雜詩

何年沿塞植黃榆歲歲榆錢著地鋪秦代築城非上策前朝

棄套豈良圖悲笳入夜天應老戰骨沈沙海其枯一自失侯
邊繫動須知博望是狂夫

衛所嚴城錯犬牙畫長軍府鼓頻撾邊丁日課屯田麥使者

星馳屬國瓜地下有鐘還入塞

沙州地下有鐘聲遠至肅州

沙門無樹可

看花淒涼莫更吹蘆葉羈客宵來正憶家

寒食逸少宅炙野馬肉下酒

食經名品列瑣碎未見野馬充厨庖老饕得此笑拍掌燈明
手辣操鸞刀春秋能踏用膈糞小雅兔首宜燔炮解人讀書
善觸類方物豈藉厨人教地爐通紅獸炭烈炙牀穩置火夾
交斯須翻覆次第熟意度輕重醯醬調是時冬令正多雪冰
花密灑等蝟毛屏除浮白更何事味美得一嫌他脩腹饒箸
錯恣大嚼愛之遑復論睢尻此馬大抵亦龍種超躍山間過

猿獠野性不受世羈絡霧鬣獵獵霜蹄高當其雜與虎狼鬪
力猛往往遏雄虓駕馭定可日千里惜哉不與伯樂遭火鎗
一發勢莫禦雖有材勇無能逃渥洼神駒近來少駑駘迺得
糜芻茭放杯太息出門去雪擁馬腹僧鐘敲

旅感

淡月茫茫冷照顏三年持戟鬢毛斑家當越絕由拳塞人在
秦風板屋間木杪秋聲零白露樓頭歸夢識青山
詔書新沐恩如海倍遣門閭望早還

夢中作贈陳公

并序

戊辰歲暮夢偉丈夫自言陳姓名山菽山東人宋季
仕爲浙東某邑丞元兵下江南拒戰赴錢塘江死贈
以詩一字不忘存以誌異

一旅橫江戰霧昏孤忠留得至今魂獨嗟史策遺名氏何處
桑麻長子孫正氣遙同柴市烈怒濤猶逐伍胥奔祥興逸事
誰能記更駢靈旗與細論

韶光道中詠泉

原泉遠發高峯巔松石之隙飛流懸斷竹續竹響不絕在山
出山清可憐明珠自跳客袂雨碧玉欲溼僧厨烟未論取供
勝牛乳澄心一酌諸塵捐

下灘歌

紙船鐵柁工直下激浪衝濤中一灘未過一灘接迅雷轟轟
振秋葉左揮右揮面發赭但以手語無人聲梢工非鐵船真
紙十人乘舟九判死

釜有神一船主晨釜不鳴客莫語客若先之當禍汝不見後

灘急浪如山來前灘石如鋸齒排但使人船安穩得神祐白
酒黃雞報媽祖

去船破浪疾於駛來船牽絙百夫曳上灘苦難下灘易來船
雖遲常得完去船雖疾多摧殘下灘苦險上灘安吁嗟汝曹
且勿爭何如不作閩難行

道山亭

龍門紀神山欲近輒恟恍此猶噉名士虛聲出標榜何如無
諸城三山崎嶇朗縱眺茲亭宜乘間一筇杖涼隨白雁來天
挾滄海往羣峯雨後歸孤島煙中上靈區亦人境勝遊非渺
茫載拜南豐碑瓣香矢宗仰

戴永植

字于庭號農南歸安人雍正壬子舉人乾隆丙辰
薦舉博學鴻詞官龍陽知縣改餘姚教諭著行風

閑詩集

陸奎勳訂風閣集序畧曰農南負萬上才蓄道德而能
文章尤長有韻之語詩無體不備其比屬典麗似西崑
性真流露似眉山而以史事入詩則騷背登樓諸集實
穿全史奔赴於手腕之間上下十年縱橫萬里是殆草
堂嗣音匪直雄
張照題其集云精思博徵選言樹骨迺能澡雪塵滓使
生氣橫出至其春容安雅醞釀遙深則已追清風於前
古與絕幽鑿
險者迴別
裴曰修題云講聲調者類多浮響貌古寂者苦乏盛容
王李鍾譚交識並失以才人之筆抒正始之音故爾高
下赴節纖
穠中度
錢森題往來茗雪間集云湖上蘋開王暮雨林間客夢
流秋涼清詞麗句傾時輩何似孤城戴父陽集中有一
匪孤城半夕陽之
句時人以此名之
張若澄題集後云鍊字獨操良史法運於醋甕苦吟餘
詩家例得真名句一字輩君爲戴漁集中答翁冷樹水
清淺一正驚鷺漁父
陽藝苑爭傳爲絕唱

登杭州鎮海樓

登臨一何壯樓與衆山浮望到海門口渾疑天盡頭魚龍交
隱現蘆荻共騷颼對此茫茫者何人砥濁流

沈歸愚云五律以此爲第一可

稱散海門矣

泰安州卽事

何處停驂好旗亭落照間驚搖千線柳黛慘一城山琥珀深
杯酒燕支少婦顏促程街鼓發望斷翠雲鬟

楓嶺寶華寺與銘公茶話

南漁梁嶺北仙霞踞頂凌空釋子家佛火妙嚴緇貝葉寒林
金碧掛藤花一聲清磬啼山子百道飛泉走電車疲盡支蘭
容慧憩軍持香發趙州茶

同錢立夫晚步在酒亭

潦倒同辭選勝場寒鴉啼處路荒涼相攜在酒亭邊去一片

孤城半夕陽

戴

職

字旭初一字陽谷蘭溪拔貢生乾隆壬申順天舉人著賜谷偶吟聽鶴軒詩稿

徐元博行狀畧曰賜谷枕經昨史爲古文出入歐曾詩宗陶王天然秀麗不事雕飾

病起

病去不恤生病至乃畏死遂用不病病人何惑至此病尙有時痊惑則何時已人鬼特地殊夢覺此心是於此得良方勿藥而有喜養心在寡欲盡心在析理道以靜生明如鏡如止水辨之不早辨舍此乃事彼

短歌行贈徐大

開門不見芙蓉峯我山之西君山東帆然相望二百里芙蓉花開野塘水君時玩易我繹詩浩然與同天一涯坐對山花浣江露掩卷不開中起悟江銜片月巖之阿松花墮落春風

雨折齒耳錄

卷二十一

戴職

羣

多春風泠泠月皎皎江鳥一聲春未了

西施

若邪西畔苧蘿邨過訪容忘一顧恩夢死醉生都不管越兵
隨我入東門